

光緒重修安徽通志

重修安徽通志卷五十五

輿地志

壇廟二

池州府

社稷壇在府城秀山門外

神祇壇在府城南

先農壇在府治東門外雍正四年遵建

文廟建置詳學校

關帝廟在府城西街雍正五年奉

旨追封三代公曾春秋同日祭於後殿

文昌廟嘉慶六年奉

旨仿關帝廟一例致祭

城隍廟在府治西北

龍神廟在府城東關外

火神廟在府城福緣巷前

劉猛將軍廟在府城南石獅口

厲壇在府城北

以上壇廟所屬縣俱如制

旗纛廟在城北小教場

各營俱如制

漢逸民高獲廟在貴池縣一城西七十里一城北三十里清風亭側均圯

孝娥廟在貴池縣東北四十里吳大帝時娥父爲鐵官冶鐵不流娥憂父刑遂投鑪中鐵乃涌溢流注娥所躡履浮於鑪時人號曰聖姑爲立廟今在流婆磯下十餘里

文孝廟在貴池縣西五里祀梁昭明太子蕭統

趙文節祠在貴池縣南五里祀宋死節通判趙昂發

清溪二生祠在清溪江口二人從趙昂發死節失其名久廢

三賢祠在貴池縣城內元郡守王興祖建祀宋范仲淹包拯趙昂發明正德中增祀前守葉思晏毅盧輝陳良器侍中黃觀都御史胡本惠按察使柯暹侍郎孫仁員外郎李嘉祥易名崇賢祠久廢

包何二公祠在貴池縣南門內祀宋包拯明何經正今改建毓秀門

四公祠在貴池縣南齊山祀宋岳飛趙昂發明陳敬宗黃觀久廢

忠烈祠在貴池縣治西明嘉靖初建祀宋通判趙昂發妻雍氏明侍中黃觀妻翁氏及二女烈婦唐貴梅烈女康清姑號雙忠

六烈隆慶間移置毓秀門增尤氏桂氏今燬

褒忠祠在貴池縣西凌雲閣旁祀明侍中黃觀附明畢鏘記侍

中先生舊附郡城雙忠祠至今二百餘年未特祀也萬曆丙申  
西蜀巡撫都御史趙公巡按御史龔公同莅畿南振揚風紀治  
具畢張吏修其職民安其業乃於吾池廉得侍中先生實事於  
是會議具疏請於朝曰先臣侍中觀與其妻女忠節萃於一門  
宜建祠特祀詔下禮部覆議以聞先是今上登極頒有革除間  
諸臣表忠魂之詔故撫按遵奉具題云夫先生之甘赴羅刹  
及夫人翁氏與其二女相攜以溺而死蓋言之鳴咽無容贅矣  
獨念綱常在天地間萬古勿毀故忠孝必盡於臣子貞節必矢  
於婦女未之有改也帝王之尊尊立人極扶世教以培植將來  
國祚於長久亦恃有此道存焉爾昔在周武王時夷齊叩馬以  
諫仁孝數語周家八百年之命脈於此攸基先生之志與夷齊  
同然先生膺夔契之重任夷齊為海濱之漁父是以或采薇以  
終身或蹈江流而勿顧所處不同而同歸於忠也當其時武王  
能容夷齊之切直而勿之罪故國祚以長先生與諸臣赴義激  
烈而幸蒙皇上之褒恤鑒忠鯁於生前錫寵光於歿後則我鴻  
圖之享有千萬年而勿替者不俟卜而可知矣二公之請特祀  
也所以表幽潛樹臣紀而廟風俗也其有裨於國家甚大豈但  
吾池之人士瞻仰山川增色而已哉祠建於凌雲閣之旁正堂  
五楹後亦如之奉夫人二女於其中門房坊牌俱備料財度工  
則適有澤水漂來大木足資材用蓋忠義感動天人協贊如此

君子謂斯舉也見崇賢之道焉見好德之公焉見爲政之綱焉  
見謀國之遠焉一事而眾善具矣工始於六月至九月落成是  
舉也備兵副使張君天德首倡之督修者知府張君  
堯文同知傅君國材通判胡君嘉賓推官王君紀也

成仁祠在貴池縣城隍廟前祀明給事中陳敬宗

秦推官祠一在貴池縣南門外一在西廟祀明推官秦懋義

存仁祠一在貴池縣城北一在舊察院右祀明給事中陳敬宗

協濟祠在青陽縣南二里明統志舊傳二神姓曾三國時人兄  
弟避兵於此旣歿有禦災捍患功遂立廟宋大觀閒賜額

李太白祠在青陽縣九華山東巖下今廢

范公祠一在青陽縣學內一在縣東二十里長山祀宋范仲淹  
今廢

許侯祠在青陽縣西祀宋縣令許介

仰止祠在青陽縣九華山祀明王守仁今廢

甘泉祠在青陽縣九華山祀明湛若水今廢

錢元帥祠在青陽縣八都五陽里祀明指揮使錢清

劉孝子祠在青陽縣西南五十里祀明孝子劉永祚

田晏二侯祠在青陽縣西祀明知縣田登年晏景卿今廢

三賢祠在青陽縣治西祀明知縣羅華袞王家柱龐昌允今廢

蠶祐王廟在銅陵縣銅官山麓王姓張名覺晉潯陽太守蕭齊

時廟食茲土唐中和閒陰有助戰功封保勝侯至宋咸淳始加

王爵

睢陽祠在銅陵縣五松山側祀唐張巡

太白祠一在銅陵縣五松山一在橫港

英烈王廟在銅陵縣姚村祀宋統制姚興

大王廟在銅陵縣大通鎮祀宋秀才謝緒

去思祠在銅陵縣西門祀推官陳萬言邑令劉孜附以同知傅

國才邑令劉綺推官唐文燦李養重李養冲俱未詳何時人今廢

徐公祠在銅陵縣新河口祀邑令徐一科未詳何時人今圯

昭忠祠在銅陵縣城同治四年建

葛仙翁祠在石埭縣南七里

忠惠祠在石埭縣西龍巖山祀唐查城僖宗廣明元年黃巢渡

江城以裨將戰陵陽舊館力屈死之詔爲立廟事見通鑑江南

通志作刺史諱岳誤

舒姑祠祀舒氏三女舊在石埭縣南蓋山宋紹興中賜額顯濟

明洪武初移建城西金城山

褒忠祠在石埭縣南祀宋安撫制置使丁黼

旌忠祠在石埭縣治東祀明瀘州知州蘇瓊

堯廟在建德縣南三里

東嶽廟在建德縣玉峯山有大藏經閣

威烈將軍廟在建德縣玉峯山祀梁江子五

余司徒廟在建德縣余村祀唐余公

按神諱不可考或傳其諱且字果仁爲唐司徒有保

障一邑功舊以爲隋陳果仁誤

許旌陽祠在建德縣西北石印山明統志相傳晉旌陽令許遜逐蛟至此因祀之

陶靖節祠在東流縣治西菊江亭祀晉陶潛今燬

朱文公祠在東流縣南五十里黃尖山

許公祠祀明許山一在東流縣治西兵燬重建一在張家灘一在香口鎮俱明末兵燬

太平府

社稷壇在府治清源門外

神祇壇在府治南津橋南

先農壇在府治東門外雍正四年遵建

文廟建置詳學校

關帝廟在府治演武場西雍正五年奉

旨追封三代公爵春秋同日祭於後殿

文昌廟在府治貢院東嘉慶六年奉

旨仿關帝廟一例致祭

城隍廟在府治東

龍神廟

火神廟一在府治觀巷內一在采石磨盤山

劉猛將軍廟在府治三忠祠後

昭忠祠在府治三忠祠後

厲壇在府治清源門外

以上壇廟所屬  
縣俱如制

定江神廟在當塗縣西北采石山

湖神廟在花津

馬王廟在湖熟門外

丁孝子祠在當塗縣慈姥磯祀漢丁蘭

謝宣城祠在當塗縣青山祀齊謝朓

李太白祠在青山麓

張王廟祀唐張巡

岳王廟祀宋岳飛並在當塗縣采石鎮

虞太傅祠在當塗縣寶積山祀宋虞允文後圯明景泰中重建

國朝雍正八年知府李暉擇於太白樓後闢地新之

附明彭時修

祠記公諱允文字彬甫隆州仁壽人登紹興二十三年進士姿  
任之器三十一歲辛巳以中書舍人爲督府參謀軍事時金主  
亮舉國十萬眾南侵兩淮兵將望風奔遁淮西節度使王愬復  
乘和州走采石勒命李顯忠代權且命公趣顯忠權軍並犒師  
采石公至采石繼已去顯忠未來敵眾剋期渡江公立馬指授  
諸將方略列陣以待分布戰艦於江中甫畢金兵數百艘已絕  
江而來直薄宋軍軍小卻公撫將校時段背曰汝膽略聞四方  
立陣後則兒女子耳俊即揮雙刀出殊死戰中流官軍亦以海  
船衝敵舟皆半沈敵方遁即命追射以勁弓大敗之明日復  
大戰焚其舟三百亮氣沮走瓜洲爲其下所斃公還過鎮江制  
將劉錡執其手曰朝廷養兵三十年一技莫施而大功乃出一  
儒生我輩愧死矣及入對高宗嗟嘆謂宰臣曰允文公忠出天  
性朕之裴度也其見稱於當世如此公歿四十餘年常平使李  
道傳始爲公立祠采石又三十餘年沿江制置使吳淵爲修祠  
立碑又數年知太平州馬光祖達士民之狀於尚書省請廟額  
曰英烈其爲人思慕又如此元時廟毀惟石刻存焉國朝景泰  
壬申太平知府李郁乃即故址重建之歷歲既久日益頽敝今  
知府嘉興施侯奇自卽任以來節縮公羨屢欲改爲而未果會  
御史臨江張君敦按治至府復以爲言張君許焉仍經畫以佐  
其費廣德富民步祖一聞義以銀百兩來助遂備材興工撤其  
舊而新之堂廡門牖規制嚴正肅公像於中列將校時俊等於  
左右又繪當時勝敵之狀於兩壁間張君請於朝令守臣每歲  
十一月一日祀以少牢文武吏士陪班行禮蓋采石實公建功

之地十一月一日又其建功之時也自其建功之時至今成化  
辛卯已三百一十一年矣而祀典始正何其感人思慕之深如  
此哉方亮之臨江也中外震動采石敗軍纔萬八千人皆星散  
無歸志公立招諸將勉以忠義於是人心復合或曰公受命猶  
師不受命獨戰他人壞之公任其咎乎公叱之曰危及社稷吾  
將安避嗚呼斯言也其出於忠君愛國之誠與惟其應機合宜  
臨敵不懼忠義奮發足以感激人心用能以萬八千之散卒破  
走四十餘萬之強敵其事亦奇矣哉挫強敵於既橫安國家於  
已危扶社稷於將傾謂非公之功不可也宜乎後人思慕之不能忘歟

登勇將軍廟在當塗縣西街祀宋馬進

陶學士祠在當塗縣東街祀明陶安

三忠祠在府治西祀明許瑗花雲王鼎附明祝鑾考定三忠位

次記乃忠臣祠舊在慶城橋之東景泰間始遷於太平府治之西  
也迄今許王二公祠如初而花公不預焉嘉靖癸未郡守傅公  
鑄乃因其後之請增公之像而祀之位次尚未考定明年禮科  
古給事中底公蘊握符來守是郡謂國家之事莫大於祀人臣  
之義莫先於忠爰稽郡志及皇朝開國功臣錄宋學士景濂文  
集諸書得三公事績始末為悉乃定其位以許公文臣且地主  
也宜居其中花王二公俱武將而花之功為最宜居左王宜居

右皆南面焉於是祀典正而神靈妥矣武守冷公宗元邢公暨  
向公正通守林公希範陳公薛推官宋公在賜邑侯丁公洪聞  
而建之值鑒歸自浙遂以記屬辭弗獲則受簡而次第之按許  
公諱環字栗夫饒州樂平人元至正中兩以易經舉於鄉皆第  
二歲戊戌冬我太祖取婺州公以儒士晉謁首說以收攬英雄  
掃除儲亂以平定天下太祖俞其言授博士畱參謀帷幄中尋  
命守太平則屬公仗劍城太祖撫黎庶而民以安焉花公諱雲懷  
遠人元季兵亂公仗劍城太祖撫黎庶而民以安焉花公諱雲懷  
地所向有功丙申六月立行樞密院於臨濠奇其才而用之將兵略  
遠將軍王公諱鼎儀徵人趙忠之養子也忠從太祖渡江征伐  
有功授行樞密院判鎮池州趙普勝寇池州忠死之鼎襲其職  
復姓王俾守太平焉庚子閏五月丙辰爲漢陳友諒攻城三日不下引  
太平許公偕花王二公以兵三千拒戰友諒攻城三日不下引  
巨舟泊城西南士卒緣舟尾攀堞而登城遂陷三公被執不屈  
死之後五年甲辰追封許公大將軍中大夫高陽郡侯花公安遠大  
將軍安邱郡侯王公昭毅大將軍太原郡侯立忠臣祠於太平  
命有司歲時致祭嗚呼太平根本之地也惟我太祖知之故委之股肱之  
應焉此有商之皂四方之極也惟我太祖知之故委之股肱之  
臣而託以保障之任既而各以忠死正所以報太祖國士之遇  
也豈他覲耶顧乃褒忠之典即舉於戎馬倥傯之餘首以爲天  
下人臣勸非督諫遠識灼知先務何以能此由是天下文臣武  
將聞風激忠各獻其能放其蓋共成鴻業復帝王所自立之地  
其在茲乎奈何歲久典譌乃至遠花公位次而弗之祀豈當時  
別有廟耶抑亦有他故耶不可知已頃者傳公既增入其像底

公復考定其位而諸公皆贊成之例皆得書也故既敘其事略  
復崇以詩俾刻於石庶來者足徵云其辭曰於皇聖祖秉鉞東  
風鞭霆乘飛龍海寓豪俊蒨雲從偉哉太守與將軍展也九  
武復允文控制上游淨妖氛長江浩浩天塹成屹然萬里金  
城仁緩義正僭亂平偽漢匪茹揚帆來鳴鉦擊鼓轟如雷我軍  
視之維嬰孩熊羆三千森若林旌旗蔽空白晝陰大戰三日同  
一心鉤援蹀躞力弗支執我不屈我死之飄然上征叩玉墀  
陽厲鬼今若符彭澤與帝為先驅觸鑿燧燧乃俘帝心近  
思禮優金書煌煌封列侯爰始廟祀垂千秋歲時將享潔牲  
鼓我笙簧擊我鼓神不來兮心切切神之來兮駕虹霓祥煙  
氣風清淒江濤不起無餘鯨鯢神之格兮儼冠裳綰符帶劍  
長吸蘭羞兮飲瓊漿神之去兮靡少停流為河海耀為星  
延佇瞻儀型帝臨典禮維謝忠匪忠匪臣曷以庸於赫我公昭無窮

范學士祠在當塗縣忠節坊祀明知府范常

以上各祠廟俱廢

靈澤夫人祠在蕪湖縣蠟磯祀蜀漢先主夫人孫氏嘉慶二年

巡撫朱珪題奏

敕封崇節惠利靈澤夫人

賜英靈惠濟額春秋致祭如儀同治四年兵部侍郎彭玉麟重建

梁文孝祠在蕪湖縣昇平橋東祀梁肅統同治七年重建

李衛公祠在蕪湖縣赤鑄山祀唐李靖

三公祠在蕪湖縣西三里祀唐狄仁傑明楊繼威海瑞

張狀元祠在蕪湖縣長街巷內祀宋張孝祥

忠臣祠在蕪湖縣東南七十里祀宋陶居仁

陳通判祠在蕪湖縣察院東祀明死事縣丞陳一道

海忠介祠在蕪湖縣西北祀明海瑞

烈女祠在蕪湖縣學西北祀詹烈女

江神廟在繁昌縣三山鎮

工山廟在繁昌縣西十五里祀晉何琦

侯王廟在繁昌縣東四十里祀唐許遠

楊察廟在繁昌縣東南三十里祀南唐楊察

宗三廟在繁昌縣荻港雙槐歲鈔云明太祖戰鄱陽時有樓毛  
巨纜分判爲三化爲蛟龍二飛去獨其季畱江湖舟人稱爲宗  
三秀才

鄧公祠在繁昌縣東門外祀明知縣鄧一儒

王公祠在繁昌縣峨橋鎮祀明知縣王桂

烈女祠在繁昌舊縣祀明烈女張仙貞

烈婦祠在繁昌縣東門外祀方名蛟妻洪氏

思賢祠在繁昌縣治東祀明知縣林有年

### 廬州府

社稷壇在府治西門外

神祇壇在府治南薰門外

先農壇在府治東郊雍正四年遵建

文廟建置詳學校

關帝廟在府治和平橋東雍正五年奉

旨追封三代公爵春秋同日祭於後殿

文昌廟在府治鎮淮樓西嘉慶六年奉

旨仿關帝廟一例致祭

城隍廟在府治東北

龍王廟在府治東北

火神廟在龍王廟東

劉猛將軍廟在府治威武門外

昭忠祠

厲壇在府治拱辰門外以上壇廟所屬縣俱如制

伏羲廟在府城東山

女媧廟在合肥縣東北梁縣鄉

七門廟在合肥縣西南七門堰祀漢劉信魏劉馥

五賢祠在府學祀漢文翁宋包拯馬亮王希呂元余闕明正統

初建

巢湖聖妃廟在合肥縣姥山晉太康中建

包孝肅祠在合肥縣南香花墩祀宋包拯

附

明黃金孝肅書院

記包孝肅公宋之名臣也其精忠直諫可比漢之汲黯而遜  
也其視唐魏鄭公出處尤正其崇節冠一時趙清獻而下不  
平其不可尚已第公為廬人仕於盛者往往以簿書期會為  
能表章先賢以邦未踰年六事漸舉百廢具興謂公乃鄉賢  
克明來守是邦未踰年六事漸舉百廢具興謂公乃鄉賢顧可  
漫不加之意乎郡城有河河之中有洲舊為浮屠氏所據太  
至是撤而去之因相其地庀材陶瓦鳩工事南面建屋五間  
中坐公之像東西翼以夾室植竹木於四圍而環之以牆前  
大門其地峻疊石為梯數十級登焉題其額曰包公書院新  
狀偉過者為之改觀擇岸後張福輩十餘人讀書其中而公  
四世孫大章亦與焉太守嘗於祭畢謂生曰士學宜師聖賢

若公乃表表焉百世可師者也吾欲附曹居冢行己則師公之  
幸立朝事君則師公之忠庶不負建新院之意福輩奉教惟謹  
聞以書來屬予記之嗚呼為政貴識大體不務末節嚴先生祠  
堂范仲淹構之韓昌黎潮州廟王濟新之以其所關者大也孝  
肅之風足以廉貪立儒其有功於名教大矣不此之重而務其  
他可乎太守善教乃及於是有一無所取於民其才之長又有  
大體與況其所費悉出自規畫一或無所取於民其才之長又有  
過人者繼自今廩之士氣不振或以直諫顯或以廉節著忠臣  
孝子之門上紹先賢之芳躅未必不出於此舉  
基之是太守亦有大功於名教也於是乎書

楊將軍廟在府治水西門祀宋楊沂中

姚李二公祠在府治德勝門外祀宋姚興李顯忠又旌忠廟在

府治定林專祀姚興

喬張廟在府治東祀宋統制官喬仲福張璟

余忠宣公祠在府治東門外祀元余闕附明李東陽記正德改元之歲

知廬州府馬金言元故淮南左丞余闕當至正之亂分守安慶  
皆死血戰為江淮保障及陳友諒趙普勝諸軍各攻陷其城乃

引刀自剄死並其妻妾子女將佐士卒無一辱於賊者其事甚  
偉當其時已贈行省平章事幽國公諡忠宣國朝洪武初始詔

重修安慶通志卷五十五輿地志擅廟廬州府

願祀於死所闕雖出蒙古而所居合肥青陽山故宅亦有祠久  
不治惟漢祀信生於西充死於柴市而今皆兩地並祀若闕之精  
陽宋文天祥生於廬陵死於柴市而今皆兩地並祀若闕之精  
忠大烈可方文許較諸紀氏蓋百倍過之而鍾璽毓秀之地不  
得為郡縣所祀子弟所仰其為禮亦甚缺諸修輯舊祠秩諸常  
祀復其守者比於安慶以昭一代之威紹曰可於是重修廟貌  
堂室暨凡物所有事者令縣正官以歲春秋再致祭焉於戲綱  
常之道根乎天性其於人心無時與地而或開故居不必中國  
世不必正統忠臣義士往有之漢唐宋之節者代有其人  
而宋季尤甚說者以爲忠厚養士之報元之以死節者代有其人  
其他崇名應仕者後先相望忠宣以一郡之弱二千人之寡抗  
東南數萬之眾戰至七十之多歲至一郡之弱二千人之寡抗  
其正以死又能使一門五節闔郡之士從而死之久而竟不失  
論烈尤大且著者也我明祖高皇帝綏猷偉典著爲律令以表  
古今之忠義至其所驅逐所賦定者才不以君廢其臣而表章  
之此可見忠義之激於中者苟自盡於所事皆可以治世若區  
又以見忠義之激於中者苟自盡於所事皆可以治世若區聖人  
也抑聞高皇於肅徵裸將之士難包荒含垢而實有宋太宗范  
質之憾充類至誠無異於武王封比干釋伯夷之義矣則忠宣  
其主而死於亂賊之手者南不表之以爲天下教哉然則忠宣  
之聖表於今日者亦豈非治謀示法之大端也哉族祖希蓮先  
生與忠宣同舉進士分左右榜而唱名謝恩皆同班序雅相厚  
世所傳青陽集者先生實序之而以不得教死爲忠宣愧東陽  
仰窺聖祖之仁復有感於先世之誼因表其事且以風天下之

縣人臣者若忠宣之族里行績則見本朝所著元史及潛溪朱學士傳為詳博邪君子尚有考焉

瞿公祠在府治落水橋西祀明都督瞿能

蔡公祠在府治十字街祀明尚寶卿蔡悉

周忠愍祠在府治明教臺東祀明周璽附明葉逢春記余讀廣

忠愍者自漢周平孫而下迄於我明曹瑞卿屈指蓋三十一人瑞卿贖其行事宜列之剛直其二十八人皆以亂略之頃激大義抱忠憤而為敵所殲者至以直言而斃則惟我朝周忠愍李崇德兩公焉豈時當草昧則人心易激忠義慷慨之士多而居常往往養位酣祿緘默株守之士眾乎不然何死敵者餘什九而以直諫死者不什一耶兩公者以忤武宗斃於杖下崇德語在他傳中若忠愍則以忤逆瑾故肥之兒童婦女無不噴噴蓋公被拷掠身無完膚矣猶不復少屈曰吾死不足惜令忠義畏慎可憫耳斯言也豈古所稱君子人與蘇明允云使我獲知人之明而天下受不可一朝居之禍不忍也充忠愍之意使其成殺身之仁而杜天下敢言之口不忍也為宗社生靈計而非為一身後區區之名詎不賢哉公祠碑記尚缺公之孫弟子員於德因蓬萊蒲君以請蓋蒲君以六安貳畧肥事也余按忠愍與璽黨楊玉勛事弗阿弗徇瑾惡之遂罹此慘假令忠愍少假之辭色綴不得其懽心亦可免禍而忠愍不以彼易此里有富翁登儂蓋日至摩踵以承之其後至者則率其摩者之踵一儂獨

二  
辱然而進長損而與之坐語羣儂皆愧而驚走忠愍者其不辱  
踵之流與忠愍即死而國家忠義之氣藉是以扶持而不墜其  
功豈小補哉浦君爲此請者浦之先君以忤世廟被杖尋卒於  
獄夫世廟之聖明不世出者於忠愍有抑鬱未伸遠焉淪歿之  
旨如此而於浦公又如彼豈日月之明或蔽寸雲而  
雷霆之威偶摧直木者乎君其有所感夫有所悲夫

屠公祠在府治察院前祀明知府屠仲律

三孝祠在府治前大街祀明孝子張梅湯鼎朱世蕃

宋公祠在府治威武門外祀宋忠烈公瑄忠順公瑛今圯

蔚公祠在府治落水橋西祀明尚書蔚綬今圯

孫公祠在府南門大街祀明衛輝知府孫鎮今圯

張公祠在府治時雍門大街祀副都御史張瀉兵燬重建

江公祠在府治前街舊縣丞署東祀巡撫江忠烈公忠源

王公祠在府治東嶽廟西祀潁上教諭王福永

張公祠在台肥縣來仙橋西祀右江總兵張樹珊

唐公祠在合肥縣惠政橋西祀右江總兵唐殿魁

劉公祠在合肥縣唐公祠西祀副將劉朝煦及妻節烈方氏

昭忠祠在府治江公祠西祀合肥殉難男婦

宣聖南祠在廬江縣宣聖五十八代孫孔思源徙廬江建家廟  
春秋祭如學宮儀

廣惠廟在廬江縣東南礬山之陰祀漢張渤元至正中建

毛公祠在廬江縣北門內祀漢毛義明末燬

國朝雍正七年重建

大忠祠在廬江縣祀明靖難死事陳植明末燬

國朝陳氏子孫重建

舒王廟在舒城縣城內祀漢廬江王劉賜王居舒有遺愛立廟  
祀之久廢

二賢祠在舒城縣城內祀漢文翁朱邑明萬厯閒燬

三劉祠在舒城縣東祀漢龔頡侯劉信刺史劉馥明知縣劉顯

今燬

土主廟在無爲州小東門祀唐忠義袁傑今燬

朱文公祠在無爲州北皇華坊兵燬今修

靈澤夫人祠在無爲州蠓蟻山

詳見太平府

楚公祠在無爲州祀宋待制楚建中附朱趙汝談記郡故祀賢

公建陳公雖未公帝王公蘇黃門之增適之兄也爲吏健於才紹聖初爲郡人興三圩開十二井又築北嶺以捍水至今蒙其利陳公坐論秦京餘有司疎斥謫尋改郡復罷其政猶未治此土也邦人以其天下士而吾里乃幸焉故諺以爲榮而朱公則翰墨妙當世在郡所作樓觀皆手自題其防民每瞻思之余謂是三賢者祠之當矣然考諸志則先是楚公建中嘗守此其治一以清靜不擾去之口有遺愛而獨缺其祠豈不忽諸余反覆其說而得焉西都所傳循吏無惠文時人豈惠文世無良吏哉其故可想矣嗚呼國家慶厯嘉祐開天子垂衣裳執大義羣有司奉法循禮而海內晏安無事出不盡利也而食有餘

於飽井不盡甘也而飲有餘於味上下數十年間其布政郡國者大抵非博厚長者卽忠信善士也故雖以楚公之才學亦不刻厲滿發以求自判於常人而民所以懷公者亦惟此心不願表於外也嗚呼獨非盛德之至歟王公既錄功食二公復因名變蓋其次第如此而楚公遠矣顧有輕重乎哉今中興以淮爲邊而無爲則前之敵難未遠也取懼其敢卽安瀉熙末公私始稍稍鳩聚若欲自況內郡者未參府無旬月之儲而徇負新貨得此地疏名者未返瘡痍者未參府無旬月之儲而徇負新貨得督交至余熟視莫知其爲也嗚然嘆曰時安得復有楚公者以爲爾民父母其庶乎而余劣不足進此矣於是議追楚公之祠以記公行事而歷訪乃無一得蓋公既不以名蹟遺後故遺老亦無傳者相距三甲子矣嗟乎以余之淺陋曾何足知公而區區企竦欲慕如將見之者徒以文正范公所薦而文富司馬諸公之所遊也公旣老以天章閣待制歸雖世所傳者英國有公像余因得取之其出處大致在國史不論第論世道本末使知前無祠於公不爲少而今有祠不能爲公多使人知夫趙趙之名察察之行凡爲一世之所慕耀而爭趨者皆公之細青爾

賈公祠在無爲州北門外祀宋賈易

米公祠在無爲州署墨池上祀宋米芾久圯

二狀元祠在無爲州祀宋元豐狀元焦蹈明永樂甲辰狀元邢

寬久圮

巢湖神廟在巢縣南銀瓶山上

二賢祠在巢縣萬家山麓祀巢父許由

范亞父祠在巢縣治內祀楚范增

居巢子祠在巢縣學內祀唐劉知幾

姚公廟在巢縣東山岡祀宋姚興

甯公祠在巢縣北門祀知縣甯承勳

鳳陽府

社稷壇在府城南二里

神祇壇在府城南門外

先農壇在府治東郊雍正四年遵建

文廟建置詳學校

關帝廟在府治西門雍正五年奉

旨追封三代公爵春秋同日祭於後殿

文昌廟嘉慶六年奉

旨仿關帝廟一例致祭

城隍廟在府城西門外感應坊

龍神廟在府城南門外老人橋北

火神廟在府城南門內

劉猛將軍廟在府城西門外

昭忠祠

厲壇在府城北以上壇廟所屬縣皆如制

彭祖祠在鳳陽縣雲母山相傳彭祖閉氣修鍊服雲母石後人於此立祠宋蘇軾詩空餐雲母連山盡不見蟠桃著子時

黑水將軍廟在鳳陽縣明統志宋嘉定間郡守柴將軍鑄鐵像刻云濠水之北淮河南於汝鎮守億千萬年

名宦祠在府學祀明戶部尚書年富

袁端敏公祠在縣臨淮鄉祀漕督袁甲三附巡撫喬松年記古

循良之吏功在一官一邑既沒而民不能忘或尸祝而社稷之至於功臣猛將乘旌授鉞率虎之士爭疆場之命其勛業炳於當時而民或不懷其惠論者謂臨民與治軍為道不同然如項城袁公視師臨淮既薨而邦人思之弗衰繼於官請建祠奉祀又何獨異邪以謂公馭士嚴而有恩愛民而無擾故軍與民咸德公猶淺之乎言公也常粵賊入皖勢橫甚皖北郡縣避散破壞公以孤軍踞皖豫之交張機設奇落其角耳厥後秉節督師粵賊陳玉成逞於南毫賊張樂行踞於北奸民苗沛霖挾詐觀變降將馮冠恣肆旦夕發難肘腋之閒萬眾岌岌伺公一身公一搖足則淮以北非復國家有公乃不震不動徐出方略復列城殲賊魁悍將帖服盡力苗沛霖雖有異志終公之任亦不敢發臨淮晏然淮徐充豫之交雖賊民屢鬪勢不能南合羣寇旋起旋滅不為大患夫用兵之世天下安危常爭尺寸形勢要害之地愚者有其地而弗能據棄一域而搖動四海深識之士得而守之震城而不搖防危而不去遂足以制敵死命康濟大勳蓋公之力砥礪淮以挫南北其利害之所關甚鉅其情

神智力之所指注甚遠雖天下後世猶將賴之而況於兩淮之民親受其利其又焉能一日忘公也余與公同歲通籍公官先達為御史直聲中外迨以漕督持節節余方為轉運使每得公書慷慨忠壯之氣兩溢言表至於審機慮事則深沈周慎計出萬全竊歎以直諫服公之勇知公初亦欲招之為用繼察其必叛嚴為之備密請討之當成豐十年京師有兵書侍郎勝保奏徵浦霖帥師勸王後又奏調信往陝西討賊公皆力阻其說事得寢脫如所請貢以兵柄使得窺我虛實據形便卯育涵濡養成羽翼其勢益大其禍何可量哉我公在臨淮先後五年同治元年冬以病告歸陳州二年春沛霖乃叛公方奉命治團練於其鄉猶陰檄院民俾勿從賊及公薨而沛霖旋伏誅人且以為公之神靈實陰有以相之也是年冬余奉撫皖之命三年仲春至臨淮領公舊部每與僚佐將士及淮人言及公靡不嗟歎思慕者先是有詔祠公於陳州於是羣吏諸將鄉士大夫過請祠公於臨淮余上其事於朝復有旨許可民走趨役如營其私祠成薦享羣正熙熙乃復為記以饒諸石俾後之論世者知公功業之所在而因以究夫得失成敗又鳳陽縣西壩亦有袁端敏祠之形勢焉

禹廟在懷遠縣東塗山絕頂歲以六月六日致祭同治六年巡撫喬松年重修又宋蘇軾遊荆塗二山詩自注云塗山下有餘

廟又宿州北月河北岸壽州北硤石山皆有禹廟

附明劉俊修

廟記二一在越之會稽山一在淮西濠州鍾離縣西九十五里

左傳杜預注塗山在壽春東土有禹會村與地記載濠州塗山

氏之國蘇轍王部過濠州俱有詩蓋鍾離濠州治也即今之臨

淮縣壽春即今之壽州懷遠縣乃鳳陽屬邑而鄰於壽州縣之

南距淮河三里許有山高聳特秀上有禹廟與杜預注與地記

台焉考於書與與地記徵於杜預注與蘇王之詩則塗山東南諸侯

懷遠縣者無疑也若會稽則禹晚年巡狩駐蹕茲山東南諸侯

亦來朝則後之會諸侯為會稽山前之會諸侯為塗山夫何疑

哉今二州皆祠之者會稽則以禹陵在縣塗山則以其妻於斯

而治水始焉要之皆崇德報功也今廟在懷遠塗山者前徵三

開中祠禹王左右羽士所居近益後極三開中祠真武景泰改

元鳳陽太守仲公承制命祭於神見祠宇圯廢命主持羽士許

得智募緣葺之今年春燬於同祿仲公責其完復得智彈厥心

力鳩工經營煥然一新太守以書來南京請記之夫祀神治民

守之先務仲公致意焉廟而率孝以文為請其事神誠敬何如

哉予故詳列經傳所紀而明辨之俾來者不惑於塗山之說

且知朝廷與鄉人所以享祀者在於尊尚道德不忘其功焉

啟廟在懷遠縣西南荆山之巔祀夏后啟今廢

三侯祠在懷遠縣學祀何立陳邦翰潘登貴今燬

貞烈祠在懷遠縣治西祀明花將軍妻邵夫人及諸從死者

項羽廟在定遠縣西六十里卽羽迷失道處

包公祠在定遠縣治內祀宋包拯兵燹重建其在治西治南者俱圯

孫叔敖廟在壽州南舊宇記在安豐縣東北二里崔實云孫叔敖作期思陂以攻寇歷代遂於壇上立廟

君子祠在壽州東南六十里祀先賢宓子賤

畱犢祠在壽州城內西南隅祀漢壽春令時苗

鄧公廟在壽州南芍陂上九域志魏鄧艾屯田於壽春人賴其利唐貞觀十五年立廟今廢

董子祠在壽州西祀唐孝子董邵南今廢

金公祠在城東南隅祀鳳廬道金光箚

僧忠親王祠在北門大街祀蒙古王僧格林沁

忠義祠在城東南祀壽鳳殉難官民婦女

孫氏專祠在城內鎮安坊祀州人孫家泰等蒙時中附焉

謝公祠在鳳臺縣八公山祀晉謝幼度

僧王廟在鳳臺縣北圩門外同治七年建祀蒙古忠親王僧格

林沁

劉黃二公祠在鳳臺縣城隍廟東祀南唐清淮節度使劉仁贍

明知州黃克纘

今鳳臺移治下  
蔡遷屬壽州

湯公祠在鳳臺縣治西祀明御史湯簡今廢

今鳳臺移治下  
蔡遷屬壽州

閔子祠在宿州北七十里祀先賢閔子騫

仲子祠在宿州西北睢溪口集祀先賢季路

相山廟在宿州西北九十里相山上晉太康五年建宋太觀中

封山神爲崇惠侯

國朝乾隆二十四年恭奉

御書惠我南黎扁額

徐王廟在宿州

王姓馬明孝慈皇后父也王缺祠太祖追封爲王國王所生里立廟

女媧廟在靈璧縣北門外

三忠祠在靈璧縣西祀明殉難知縣陳伯安主簿蔣賢壽州指揮錢美

潁州府

社稷壇在府治西門外

神祇壇在府治南門外

先農壇在府治東郊雍正四年遵建

文廟建置詳學校

關帝廟在府治東門雍正五年奉

旨追封三代公爵春秋同日祭於後殿

文昌廟在西湖上嘉慶六年奉

旨仿關帝廟一例致祭

城隍廟在府治東門

龍王廟卽張龍公祠在府城東三十里祈雨輒應附宋蘇軾記

昭靈侯南陽張公諱路斯隋之初家於潁上縣百社村年十六  
中明經科唐景龍中爲宣城令以才能稱夫人石氏生九子自  
宣城罷歸常釣於焦氏臺之陰一日顧見釣處有宮室樓殿遂  
入居之自是夜出旦歸輒體寒而濕夫人驚問之曰我龍也  
夢人鄭祥遠亦龍也與我爭此居明日當戰使九子助我領有  
絳綺者我也青綺者鄭也明日九子以弓矢射青綺者殺於合  
而去公亦逐之所過爲谿谷以達於淮而青綺者殺於合肥之  
西山以死爲龍穴山九子皆化爲龍而石氏葬閭湖公之兄爲  
馬步使者子孫散居潁上其墓皆存焉事見之唐布衣趙耕之  
文而傳於潁閭父老之口載於歐陽文忠公之集古錄云自景  
龍以來潁人世紀之於焦氏臺乾甯中刺史王敬義始大其廟  
有宋乾德中蔡州大旱其刺史閭公之暨築祠於蔡既雨翰林

學士陶穀爲記其事蓋自淮南至於陳蔡許汝皆奔走奉祀景  
德中建議大夫張秉奉詔益新穎上祠宇而熙甯中司封郎中  
張徽奏乞爵號詔封昭靈侯石氏柔應夫人廟有穴五往往見  
變異出雲雨或投器穴中則見於池而近歲有得蛟骨於池者  
金聲玉質輕重不常今藏廟中元祐六年秋旱甚郡守龍圖學  
士左朝奉郎蘇軾迎致其骨於西湖之行祠與吏民禱焉其應  
如響乃益治其祠作碑而銘之

火神廟在府治西門內

劉猛將軍廟在府治北門外

昭忠祠

厲壇在府治北門外以上壇廟所屬  
縣俱如制

松喬祠在府治西湖上祀漢郭憲陳蕃范滂以宋焦千之明盧

翰配

四賢祠在府治西湖上祀宋晏殊呂公著歐陽修蘇軾

二程子祠舊在府治王家衞衙今移建試院西

歐陽公祠在府治西湖上祀宋歐陽修

報功祠在府城西北隅祀宋太尉劉錡配以陳規汪若海并副將趙樽許清曹成許充義勇耿訓韓宣

三忠祠在府治東門外祀元忠臣李黼及兄冕從子秉昭元史李黼傳至正中黼爲江州總管賊破城刺黼墜馬與從子秉昭俱死郡民相率具棺葬於東門外兄冕居潁上亦死於賊事聞詔立廟江州賜額崇烈

六貞祠在府治東門外祀漢范滂母明陳海妻李氏李深妻劉

氏周雨妻韓氏時銓妻李氏魏隆妻張氏附明胡袞記得於婦

六焉其一曰范母子孟博也慨然沒清且死如餘而母能勉之以正臨決數語惻然不以壽考易名可謂知所擇矣夫是之謂貞次時銓妻李氏方銓之役李甫年十四越月而生孤用則紡績以撫用既長而娶生鯨而用夫婦又相繼逝矣七十二年報難百狀卒撫鯨以永時祀次周雨妻韓氏年十七歸雨歸二年而雨卒韓守志五十七年如一日雖父母不能奪次張茶

女年十七適魏隆甫四月而逆七犯穎被擄劇罵不辱而死夫  
是四者皆貞也次日劉氏舍餘李深妻也其寡之年視韓其志  
與其壽視時李氏加三齡焉雖未亡而墓木拱矣是亦貞也於  
是陳州之陳海妻李氏穎州人也夫卒辛勤事姑以孝稱教  
子以祿養終焉雖歿於陳州而自出則穎也夫春秋魯史也宋  
其姬紀伯姬之賢大書不一書內女也因著教焉然則李氏之  
宜傳於穎無疑矣夫節義在天地間如水行流地未嘗一日息  
穎六貞據今日所見聞乃得其五邇元而上傳者世久人湮與其  
烈之婦不必聞於時或雖聞而無為之傳者世久人湮與其  
而俱泯耶祠今不傳則六貞者將久而泯泯如所云亦未可知  
也修飭先生既祠三忠妥神有口矣三忠之南數十步有祠不  
載祀典則撤之而加新焉其制如三忠其工費可相彷彿其坊  
曰六貞祠成郡人士咸喜風教之振忠貞之氣將益昌矣爭礪  
石於祠俾衮為之記衮既與有風教實敢不詳志以示勸哉

僧忠親王祠在府治昭忠祠舊址祀忠親王僧格林沁王蒙古  
人同治間嘗帶兵剿賊於此

管鮑祠在頴上縣北管仲墓側

四賢祠在頴上縣北龍興寺旁祀管仲鮑叔甘茂甘羅

三公祠在頴上縣祀明僉事李天衢兵備謝肇鉉知縣廖維義

重刊志卷五十五  
皆捍賊有功

女忠祠在霍邱縣北門內祀明知縣黃日芳妻陳氏妾李氏崇禎乙亥流賊陷城赴水死

湯王祠在亳州北渦河二里以伊尹仲虺配後爲太甲祠以伊陟咎單配

漢光武廟在亳州東三十里

泣杖祠在亳州城東義門集祀漢孝子韓伯俞

巴延

舊作伯顏據一統志改正

祠在亳州東城父村福臨鎮元至正中敦義

校尉巴延爲民殺賊被害後人於其被難處立祠以祀

華祖廟在亳州城東北隅祀漢華佗嘉慶二年巡撫朱珪命知州李廷儀修

陳希夷祠在亳州北關外

三烈祠在亳州東門外祀魏曹文叔妻夏侯氏明海壽妻李氏

毛繼妻朱氏

二守惠政祠在亳州治西祀明知州吳必學張凝今廢

何忠壯祠在亳州北門外祀明殉難知州贈太僕寺少卿何變

朱公祠在亳州北門外祀世襲一等侯前亳州知州朱之櫬代

字附崇祀名宦記維乾隆甲子十有二月先大夫蒼巖府君奉

請也越明年乙丑五月小子霖以廬州守調守松江因得以官

事之暇從紳士耆庶後奉木主以祀祀畢羣請以事誌諸石爰

舉見聞所逮暨士民所縷述者誌其節略焉先大夫諱某字商

玉蒼巖其號也性廉明仁厚喜書史事君親接眾庶立身行己

無一不衷於道年二十出為福建建陽令即有政聲未一載擢

四川忠州知州時川建當寇賊蹂躪之餘井邑空虛田疇荒蕪

先大夫以民瘼未起如治病瘳者亟宜培養元氣省刑薄稅節

食用減僕從躬問民疾苦兩地流亡者以次漸復隨丁王父類

惜不能久於其任服闋除亳州牧有議先大夫者曰毫乃江南

繁劇區其俗儉悍多奸猾險健奸訟輕文事非楚陽忠州比也

子其慎諸先大夫笑應曰政貴因地制宜豈以成見拘哉下車

日即訪舉豪彞十餘人立致重法諸奸猾皆股慄伏尋悔過

夏冬  
史散  
重志  
卷五  
一  
與地志  
宣  
順  
三  
頁  
州  
時

自改述有訟於庭者爲平心剖斷摘發若神自後人無敢亂法  
犯禁一州積習頓除徐得以文事化導之其先州治內有奎壁  
樓傾頽已久捐俸金修之選能文者數十人誦讀其下勸以變  
化氣質陶淑情性由是士習端方文風丕振壬午鄉舉吳君楚  
奇名冠南關咸以爲勸學興賢之驗他如義門之稅給流亡  
之銀身被其澤者至今歷數世猶頌德不衰閱幾年因建陽以  
內細事例得降調惠民之倉皇奔告環公堂號泣者頃刻以  
萬計曰願以萬口贖我父母先大夫正色撫之日某以蒲德牧  
斯土體願以萬口贖我父母先大夫正色撫之日某以蒲德牧  
調方重感激而爾等乃爾不益吾罪過耶眾咸稱職今有過僅議降  
終聚泣不忍散無已由便門出署眾哭隨之族奔省顧大中丞  
范公大中丞憫其情爲豐疏代請聖祖仁皇帝施格格外  
之恩可其奏因復留臺後十二年擢安慶府同知有倡前此之  
議者眾止之曰今之去爲父母榮也安有人子而不願榮其父  
母乎遂各頂盆香具酒脯泣而送之建生祠於北門外給像以  
祀歲時相向拜祝與在臺時無異康熙四十八年臺地水災田  
廬漂沒民不聊生制撫知先大夫素得民心特檄往辦賑復  
如毫與故士民相見潸然泣下曰吾子弟乃窮困至此俟請命  
後賑恐數萬生靈不及待因先設法措處散賑募糴繼奉朝  
廷部大賑躬自董率閱晝夜無倦容俾老幼廢疾咸沾實惠全  
活民無算佐理皖城歷經八載擢直隸宣化府知府調正定府  
知府任未久值皖城歷經八載擢直隸宣化府知府調正定府  
仁皇帝遠詔訪求明代後裔特調進京引見蒙賜一等  
侯爵奉祀先陵先爲鑲白旗後拔入正白旗兼管都統某年月

日以疾終嗚呼先大夫一生宦績惟以實心實政故能推廣  
一十聖德子惠窮黎勳烈銘於旂常謹歌職於道野而任毫存  
十餘年思之如一日也乾隆七年小子霖以部郎奉  
旨監賑江南徧歷鳳嶺泗等處宣布皇恩稽察賑弊  
於額為屬邑流民襁負相驚喜傳告爭扶老攜幼迎道中  
曰此吾故州牧朱父母嗣也昔吾父母惠愛無窮而賑濟災象  
尤多奇績今閱數十年君其復來活我環視森容止日與吾故  
父母無異因感泣涕零相向問故父母起居及離江南後詳略  
知母已沒其德澤常存於毫語云有功德於民者祀之非吾父  
母誰當之歟盍請崇祀名宦以垂不朽遂條舉善政卓卓數  
十餘事白於上憲而以闕於所以効於先大夫者皆出自至誠  
夫之所以施於民與夫民之所以効於先大夫者皆出自至誠  
誠惻而非有所勉強矯飾於其間卒以信孚邦國誠格  
宸聰賜爵受封顯榮褒大歷膺三朝之寵命是足以表  
見於後世而為身司民牧者勸也豈獨積善成德宜享其產為  
子孫之此顧也哉爰因都人士之請為述其梗槩以勒諸石

漢光武廟在太和縣西北七十里

萊公祠在太和縣祀朱寇準

萊公名轍然明萬歷間任太和土

見縣志

趙公祠在太和縣祀明趙葵報始築城也

吳公祠在太和縣祀明知縣吳世濟附吳旆建祠碑記

生諱世濟以前明崇禎七年任太和令甫下車即謁農桑謀積  
貯編保甲練鄉兵修城垣防戎器信賞必罰民有困志時寇城  
於西邑中故多西人行賈者上官輒令徙先生命置有田宅不  
願回籍者聽西人德之居無何寇警日迫遠近戒嚴先生以太  
和爲京輔陵寢之障地疏而辟一有變卽爲嚴疆當時康無現  
僅民有菜邑早蝗相繼呼餓無門拘率餓節則燕雀處堂故賀  
正之行可省請發官兵則豺狼入室故求援之議勿庸計惟  
死守勿去一策賊果以正月十一日破潁州城十五日乘勝攻  
太邑先生登城望慨然曰賊不足平也卽令署典史任光表調  
導朱之彥巡檢曾明督候補巡檢何鍾斗賈先榮各率鄉兵分  
守五門賊眾攻益急城中令益駭氣益銳矢貫酋嫗之面刀刺  
西寇之腹殲百餘人傷者千餘人遂倉皇北遁此縣城之捷也而  
晝夜死者百餘人八月賊於潁之田中營潛窺界首集先生以  
太邑賴以育是年八月賊於潁之田中營潛窺界首集先生以  
銳師扼諸河賊不得渡諗知有備不敢近城亦不可野掠九月  
初二日抄南道奔先生處其遇鞠近境密遣班役壯勇授以方  
略乘其熟寢擾而潰之生擒巨寇二十名酋婦二名斬級八又擊  
賊於半渡賊不習水三舟同時覆二百餘賊無一免者此王用  
官集與界首集之捷也而太邑賴以固是月十二日以風警焉  
鳴預部勒丁勇三面設伏命賊至聲礮舉矩城中鳴礮呼噪應

之又於城北樓上高聲唱名鼓吹迭奏若黠兵出城狀夜漏一  
下賊果銜枚宵遁遂出不意突擊之伏兵復鼓噪乘之賊駭潰  
斬級十有八生擒二十有三此八里鋪之捷也而太邑安如磐  
石矣一歲中賊兵三至彈丸之地無重鎭無弱餉無山川之設  
險卒能驅狂寇而保危城嗚呼偉哉余後先生百八十年服官  
斯土閱先生禦寇始末憬然有慕遂謀之耆士謂之上官捐俸  
建祠祀先生於茲邑其同時立功者并列焉記曰能禦大災則  
祀之能捍大患則祀之以先生禦災捍患式欲與祀生有殊勳  
歟無愧色俾後之聞風興起者為保障不為繭絲豈非太和士  
民之幸歟亦豈獨太和士民之幸歟謹倡捐歲祀牲禮銀八兩  
申請立案并立石祠下以告來者所望後之君子其  
祠承祭永久勿替焉是則區區表章先生之意也夫

莊子祠在蒙城縣祀莊周宋縣令王兢建今毀

岳武穆祠在蒙城縣西北三十五里今圯

七節祠在蒙城縣東南祀謝氏等七節婦今圯

表貞祠在蒙城縣祀節婦盧李謝丁韓王韓莊田牛劉許周許  
蔡劉魏李劉李季烈女韓賊時等二十四人今圯

僧王祠在蒙城縣西門內祀蒙古忠親王僧格林沁同治初王

統兵剿賊於此

俞公祠在蒙城縣西門內祀知縣俞澍

忠王祠在渦陽縣東門內祀蒙古忠親王僧格林沁同治八年  
建

重修安徽通志卷五十六

輿地志

壇廟三

滁州

社稷壇在州城北

神祇壇在州城北

先農壇在州治東門外雍正四年遵建

文廟建置詳學校

關帝廟在州城西雍正五年奉

旨追封三代公爵春秋同日祭於後殿

文昌廟在州城嘉慶六年奉

旨仿關帝廟一例致祭

城隍廟在州治西

龍神廟在州西南三里柏子潭側宋乾德中知州事高保緒建

明洪武中重建明太祖禱雨靈應碑記昔元末帝紀至正十四年歲次甲午秋

七月朕率兵駐滁陽正禾苗暢茂之時值天久旱農樹將槁時所帥者聚憂恐乏食皇皇不已於是詢於群民之耆年者曰滁陽郡在方冊其來遠矣水陸英靈孰民懷之語既郡書默然中陽志士楊文素者曰滁之西南有山曰豐山陽谷有樹鬱然有淵名曰柏子潭淺深莫測神龍出沒往來乎其間前代雨愆期凡官守於斯者必懇禱於是誠則輒應於是每遇旱患祈必豐稔靜民懷澤臨淵而建祠先後人相繼無不仰禱今天久不雨必詣神祠陳其所以或者雨乎朕既聽是云即策馬極所在去將百步稅騎而步趨欽欽而臨淵思之洋洋乎在淵躍躍乎遊雲於是齋焉飯僧臨祠而禱之初土民有云凡禱之日潭必有異或魚尾於淵或龜鼉浮於面斯雨澤之先兆者朕亦欲是至期無見禱已畢矣親躋巖側立淵西崖扳弧俯視以矢入淵者三祝謂神曰曩有禱於神者請神有異今乃無是朕與神約期三日神若我答無不神敬設杓然還可貳於淵乎祝畢乃歸是日天朗明日萬里無雲三日其晴愈甚漏當已正之閒綠雲不飛待至午漏將正出視四天辭之西南豐山之右墨雲一點昭示碧天其巨如斗噫久旱不雨今碧天萬里所望之雲不過如斗豈豈濟哉果若不答神必我取將有他變歟於是聞息於

中堂頃視外檐影幽陰卽出仰視嗚呼慘然忽然暈雲已徧太  
虛雷轟天外電掣九霄霖雨大作時朕冒烈風迅雷卽詣神祠  
謝神如朕所約邑中主禱多不三里餘比至潭所在山川湧沱  
盈溢無不浩浩蕩蕩神乃我答不傷不溢民獲豐稔朕自去此  
三十年餘若遇旱患心目朝向是方意欲詣祠而禱斯慕神之  
切也遂於洪武十八年冬十有二月十一日特敕有司建亭宇  
刻堅石著神效雲樹富淵所以昭示澤民之驗

### 火神廟

劉猛將軍廟在州城

厲壇在州城北

以上壇廟所屬縣俱如制

漢高帝廟在州西南五里豐山側唐意高廟碑陰記云漢諸將  
追項羽道經此山至今土俗以五月十七日爲高帝生日遠近  
畢集薦觴焉

表豐廟在州西南豐山頂祀豐山之神宋宣和五年禱雨有應  
賜額表豐明洪武初改爲豐山龍潭祠

李衛公廟在州治西南

宋太祖原廟在州羅城外沙河岸東皇祐初通判滁州王靖言太祖擒皇甫暉於滁州太宗下劉繼元於并州眞宗禦契丹於澶州宜立原廟於三州以昭遺烈於是命寫太祖御容於滁起端明殿兼立天慶觀以奉之

九賢祠在州西南豐山保豐堂後祀唐刺史韋應物李德裕李幼卿李紳韓思復宋郡守王禹偁歐陽修張方平曾肇

五賢祠在州治祀宋王禹偁歐陽修張方平曾肇蘇軾

二賢祠在州西南瑯琊山醉翁亭後祀宋歐陽修蘇軾

剛烈廟在州治北祀宋郡守劉位位屢敗金兵又破李成兵復滁州未幾金兵奄至位出戰中流矢死詔贈建甯軍節度使建廟滁陽賜號剛烈

滁陽王廟在州東沙河上祀明郭子興洪武二年立廟以鄰省氏世爲奉祀守王墳

胡莊肅祠在州泊土街祀明胡松

四賢祠在州西南豐山祀明李一鵬高倬王聚奎金光辰附明

凌義渠記事每塵蒿目憂蓋以金精動宿石鼓鳴山塞上風烟

羽書旁午縣官左右手畫而大江以北尤屬騷劇歲辛巳淮撫

忽檄召買改運一時奉到咨移滁人當三空四盡之餘不啻焉

溺偏矣催檄再下蒸民輟轉流離不忍聞見中丞金公時司

舌游民山城不通水道一疏獲封入淮以麥抵解淮重負雖釋

強半而外加未豁廷尉李公以南昌賁觀述所經歷及所耳目

者上之陳餘人力困不支之狀最悉金公隨具辭和寇荒已極

一疏力請蠲豁更及馬價忽增南之九府四州概爲蠲除而北

直山東河南荒殘處所并荷恩免皇仁所播固不獨滁於時滁

之黃童白叟無不舉手加額以歌誦曰維休維吉君子萬年初

寇猖熾驟忽楚豫烽燧尙未及滁壬午夏近在金斗兵賊雜沓

滁且有震驚恐剝膚凶也先是浙東馮公以滁陽爲金陵門戶

牧伯駐紮題設環山營兵統以守備屏蔽江干西蜀高公繼至

虛徒手之卒不能袒務行開枵腹之官不能奮揚營壘制核設

俸所以綱繆者舉至關中王公以謫丞佐計曰固圉之所憑者

文志一真也志賈廟

神器神器之所憑者確黃爲之捐俸以倡義勸助以裕資勤教  
習人知衝敵人所規方而滁賴保障矣夫兵之大計人心不  
飽則立解不胡衛則立耗此夫子論政兢兢於足食足兵之爲  
先也西蜀關中承小馮君之後籌兵籌食實爲國家蓄心根本  
重地而滁人獲邀鞏固中丞廷尉總念湖敵遺黎脫彼燔溺之  
危於一時迄今咸沐輕徭之樂得遂吹簫之安民信於此而  
所貽於滁人者不更延之有永也哉四先生爲國家計長久爲  
民生計安全不獨爲滁人計也而安全之澤滁人實先受之滁  
人食夫安全之澤圖所以不忘夫澤者相與卜築於豐山之側  
俎豆於九賢之左意覽勝生茲文昭文定京兆贊皇諸公後  
俾茲土者公餘覽勝生茲文昭文定京兆贊皇諸公後先晤語  
四先生之風其有所興起也夫主其事者則署州守孔君尚則  
學博士沈君鍾秀也監督視事則州別駕夏君觀署掩照磨王  
推己及鄉縉紳諸庠也工竣余乃推眾之意執筆以識之曰滁  
人之戴四公者如石於是眾皆坐臥其下而不能去四公李名  
一鶚號浦盤浙江慈谿人乙丑科進士辛巳任南太僕寺卿高  
名倬號枝樓四川忠州人乙丑科進士壬午任南太僕寺卿王  
名聚奎號聯珠陝西郿縣人戊辰科進士壬午任南太僕寺卿  
丞金名光辰號太樞一號雙巖全椒縣人戊辰科進士  
士壬午任都察院左僉都御史前任通政司右通政

胡莊肅公祠在州城東街祀明尙書胡松

盧公祠在州城隍廟內祀明經略盧象昇

李公祠在州城丁字街祀明太僕卿李覺斯

李公祠在州瑯琊山祀督學御史李嵩陽

謝公祠在州城南祀滁和兵備道謝道

漢高皇廟在全椒縣東二十五里又一在縣西五十里

劉公祠在全椒縣城內祀漢縣長劉平

雙廟在全椒縣西慶家灣祀唐張巡許遠

張王廟在全椒縣北走馬岡祀唐張巡

蔡姥廟在全椒縣南小湖旁宋時滁水泛溢因建是廟以祈福佑

朱文公祠在全椒縣學東今廢

王陽明祠在全椒縣學東今廢

二賢祠在全椒縣治西祀明知縣孫達嚴汝麟

咸公祠在全椒縣鳳皇橋祀明咸賢今毀

漢高皇廟在來安縣南五里

四公祠在來安縣祀明知縣魏大用劉正亨林鵬飛鄭元輔  
劉公祠在來安縣水口集祀知縣劉之昂

昭忠祠在全椒縣治西同治四年知縣陳德明就二賢祠舊址  
建

李公祠在全椒縣祀協鎮李成虎咸豐六年建

和州

社稷壇在州治印山門外

神祇壇在州治梁山門外

先農壇在州治東郊雍正四年遵建

文廟建置詳學校

關帝廟在州城元妙觀東雍正五年奉

旨追封三代公爵春秋同日祭於後殿

文昌廟在州學東嘉慶六年奉

旨仿關帝廟一例致祭

城隍廟在州治東南

龍神廟

火神廟

劉猛將軍廟在州城

厲壇在州香泉門外

以上壇廟所屬  
縣俱如制

霸王廟在州東北四十里烏江兵燬今建屋三楹

插花廟在州東北七十里祀項王妃虞姬

灌將軍廟在州城內漢時灌嬰有修城功州人立廟以祀今廢

范增女廟在州治內號九嬖子宋慶歷初東寇王倫圍歷陽恍見女子守禦遂潰散封威顯夫人今廢

姥廟在州西三十里麻湖之陽祀歷陽神母母能前知云歷陽且陷爲湖已而果然人以爲神爲立廟今廢

浣紗女祠在州治馬神廟右卽古漁邱渡伍員爲追兵所迫於此取渡道飢浣紗女食之員慮其洩戒以勿言女抱石自沈後人高其義立祠祀之

三賢祠在州治東祀唐張籍何蕃宋張孝祥今廢

三老堂在州治後祀宋傅堯俞范純仁劉摯三老相繼守郡有德政人稱之宋元祐開建明正德中修後改爲祠今廢

周侯廟卽忠烈廟宋開禧三年建在州治橫江門內祀宋郡守周虎潛祐七年賜額忠烈歲久而圯明嘉靖六年知州易鸞移

建姬家巷東廟左爲賢母祠祀忠烈母永國夫人何氏今廢附

明戴重修忠烈廟記有宋開禧二年北兵渡江國和州守周

定元年祠成知歷陽縣謝德興爲之記記攻守狀甚詳時公已

移諸去紹定二年轉和州防禦使會卒淳祐七年謚忠惠賜廟

額曰忠烈仍生祠而爲之其北堂則以祀公母咸義郡太夫人

教諱其於石廟在橫江門內故壯且麗後二百餘年蓋未有新

之者及我嘉靖之六年知州易公鸞乃廢淫祠於城西之麓徙

廟其地而祠賢母於左墻昇二巨碑立廟下自書忠烈廟榜

力古勁垂且百年又告圯矣諸生王之節亟言於有司召工取

什少易朽壞而謂重曰和州南北之爭地天下有亂和必先之

若周公以孤城羸卒抗忠致命摧敵保邦節與子願仰師之以

廟我國人工雖不克終不可不記其事嘗讀宋史記開禧和州

之園頗不載公卻敵之績惟帝紀中一署名耳豈能胃怒邱崇

言書之於版垂錄祠記永垂祀典云爾

陸秀夫祠在州西南二十里豐山旁今廢

余忠宣廟在州城西隅祀元余闕今廢

焦太史祠在州治西北祀明太史焦竑今廢

烈女祠在州城南祀宋烈女元孝婦明節婦十八人今廢

香烈祠在州治西北明崇禎八年流賊陷城知州黎宏業同知陳得姚學正康正諫教諭趙世選慷慨殉難紳士庶民婦女死者十餘萬或憤勇罵賊或焚溺自盡賊退巡撫御史梁雲構設壇哭三日爲祠祀之額曰香烈今廢

旌忠廟在含山縣西北宋姚興父子死於敵詔立廟戰所賜額旌忠

游定夫祠在含山縣登科橋祀宋游酢又一在教諭署前一在車轅嶺俱燬

功臣祠在含山縣東街祀明華高仇成李彬楊文紀清後改爲義學今毀

烈女祠在含山縣南街今毀

廣德州

社稷壇在州治西門外

神祇壇在州治南門外

先農壇在州治東門外雍正四年遵建

文廟建置詳學校

關帝廟在州治東雍正五年奉

旨追封三代公爵春秋同日祭於後殿

文昌廟嘉慶六年奉

旨仿關帝廟一例致祭

城隍廟在州治東

龍神廟在州治橫山巔

火神廟在州北門外

劉猛將軍廟在州西門外

厲壇在州城北以上壇廟所屬縣俱如制

石嶺真武廟在州南二十五里

東嶽廟在州治東南

祠山廟在州西五里橫山麓祀漢張渤

張王廟在橫山西麓祀穆方輿勝覽唐顏真卿碑云其靈蹟自

漢始著或云卽張安世

四先生祠在州學元判官秦德用建祀宋司理范仲淹州守錢

公輔孫覺洪興祖

九烈祠在州治東南祀宋韋續王翼潘瑀李庚俊王儁趙時踐

趙時晦蔣夔朱嗣孟

三忠祠在州西五里祀宋岳飛明練子甯王叔英

六賢祠在州治祀明鄒守益錢德洪王畿耿定向沈仲王艮又有鄒東廓祠專祀守益

三惠祠在州治祀明州守趙崇賢王邦瑞彭棟

王修撰祠在州治祀明王叔英

陸公祠在州治祀明州守陸長庚

邵公祠在州治祀邵圭

伍子胥廟在建平縣東北伍牙山

泗洲廟在建平縣南八十里唐有泗洲神顯靈於此祈禱多應

趙參軍廟在建平縣東祀宋攝縣事趙時踐

懷仁祠在建平縣治後鳳皇墩祀明知縣陳德驛高常朱之楫

張宗信向夢輝何宏仁

## 六安州

社稷壇在州治北

神祇壇在州治南門外

先農壇在州治東門外雍正四年遵建

文廟建置詳學校

關帝廟在州治東雍正五年奉

旨追封三代公爵春秋同日祭於後殿

文昌廟在州東南城側嘉慶六年奉

旨仿關帝廟一例致祭

城隍廟在州治東

龍神廟在州北門外

火神廟在州治佑聖宮東

劉猛將軍廟在州治東門外

昭忠祠在州治東嘉慶十八年遵建

屬壇在州北門外以上壇廟所屬

泉陶祠在州東門外乾隆三十七年移建久廢

大成祠在州北門外明成化間宣聖五十八代孫孔彥澄建

程知軍祠在州北門外祀宋程端中久廢附張璪記在知軍祠背

北龍津之上明尚書郎林子華請倖六安為宋知軍程公建也

程公名端中洛陽人伊川先生家嗣初舉進士靖康末南渡居

池州知六安軍兼管內勸農屯田事金人率眾臨城公殫力守

禦力盡而死吏人感其忠勤葬於香之蓮山子孫世守其墓云

康熙四十八年冬余承乏守六凡祠宇有闕道義而傾圮古蹟

載傳記而湮沒者無不修舉惟知軍一祠因兵燹毀廢而民人

之家久星羅棋布於其地矣禮祭法曰法施於民則祀之故凡

有善政皆列名宦以崇報也若公為斯民保障捐軀捍患且大

節彪炳於乘志而祠廢不舉可乎矣已秋進指紳暨程氏裔念

祖輩議為重建隨於舊址稍北擇地而量度之鳩工庀材為堂

為廡以祀知軍率於甲午季夏成於仲冬區區舉廢之心於是

少慰矣時有明道先生宗子傅士佳璠聞余為知軍建祠建來

告余請祀二程子於祠而以知軍從祀為有合於歐陽所宗所

因之義余謂二程夫子孟韓而後道統斯傳四海之外六合之

內莫不奉儀型而敬祀以知軍從祀於祠誠有合於歐陽之說  
但州志所載載知軍之勳事也建祠以祀知軍之忠節也即  
今之重構亦恐世遠時遐知軍久虛禮祀等於陸緒之茫茫耳  
應仍以專祀知軍以實州乘以昭報功堂後尚有隙地俟歲稔  
更可建三楹祀二夫子於內庶名貴符而宗因之義亦備乎博  
日可遂書而記於石其襄助與奉祀諸姓名月備一石以記

汪學士祠在州西九十里祀宋汪立信今廢附明潘楨記汪公

信其先新安人也曾大父智愛六安山水因居焉公生長此地  
登瀛祐六年進士第理宗見立信狀貌雄偉顧侍臣曰此闕帥  
才也篇充湖南安撫使知潭州至官公仗之物悉置官庫所積  
錢連歲代納潭民夏稅興學校士習爲之變知江陵府時襄陽  
被圍甚急公上疏請益六安屯兵凡邊戍皆不宜抽減移書似  
道謂今日之計其策有三似道得書大怒辱罵以違法廢斥之  
咸淳十年元兵大舉伐宋似道督諸軍出次江上以公爲端明  
殿學士沿江制置使江淮招討使俾就建康府募軍以援江上  
諸郡公受詔不辭即日進行與似道遇蕪湖似道撫其手曰我不  
負國家爾亦必不負我遂行與似道遇蕪湖似道撫其手曰我不  
不可成歎曰吾生爲宋臣死爲宋鬼終爲國一死奉所部數千  
人至高郵欲控引淮漢以爲後援已而聞似道師潰蕪湖江漢  
守臣皆望風降遁歎曰吾今日猶得死於宋地乃置酒召賓佐  
與飲爲表起居三宮與從子書屬以家事夜分起步庭中慷慨  
悲歌揮拳撫膺者三振吭而卒遺表聞贈太傅金明以公之喪

歸葬丹陽厥子麟內書寫機宜文字在建康不肯從眾降時岷  
走蜀以死宏治己酉廷議毀天下淫祠而六安石湖寺亦在廢  
中會大中丞仁和李公昂適駐節茲土乃進父老而問之故因  
歎曰按禮以勞定國以死勤事則祀之能禦大災能卻大患則  
祀之先生忠誠貫日月使其策果行宋之爲宋未可知也是豈  
可沒沒也哉乃檄撤僧廬之座而貌先生之像於中額曰宋端  
明殿大學士汪公祠命有司歲時致祭焉噫

表前哲勵後人厚俗之道也是不可以不紀  
仇公祠在州通濟門外祀明都督仇鉞正德七年霸州流賊攻  
城統兵援剿六人德之肖像立祠今廢

歐陽文莊祠在州北門外祀明知州歐陽德

史公祠在州治東英山故無城郭明閣部史可法開府皖江築  
城於章家寨故立祠以祀之久廢

左公祠在州治儒學雲衢坊祀明都督左良玉崇禎十年流寇  
十餘萬圍六安良玉疾馳入境破之州人立祠以祀

二程夫子祠在英山縣城隍廟後

南嶽祠在霍山縣霍山頂上

三蘇祠在霍山縣南祀宋蘇洵蘇軾蘇轍今燬

泗州

社稷壇在州西門外

神祇壇在州南門外

先農壇在州東門外雍正四年遵建

文廟建置詳學校

關帝廟在州治南門雍正五年奉

旨追封三代公爵春秋同日祭於後殿

文昌廟在州治夏邱書院嘉慶六年奉

旨仿關帝廟一例致祭

城隍廟在州治西

龍神廟在州治東南

火神廟在州治南門

劉猛將軍廟在州治東門外

厲壇在州治北門

以上壇廟所屬縣俱如一制

禹廟在州治夏邱書院

河神廟在州治南門外

徐偃王廟在舊州城北

朱買臣祠在州境朱山上續文獻通考朱嘉定中虹縣令舒煥

奏朱買臣靈應之跡敕賜額曰靈佑靈佑祠世傳爲漢朱買臣

祠非也蕭梁時有朱買臣山爲買臣故里有墓在山北

馬邵二公祠在舊州治南祀明馬斯藏邵陞今圯

顯忠祠在舊州城祀明御史李紹賢

義勇祠在舊州治龍窩驛祀明蘇旺蘇智蘇文朱文玘皆正德

中死流寇之難者附明桂祥記正德壬申大盜起郊何凌河論

蘇旺蘇智蘇文兄弟繼朱文玘曰賊勢雖盛幸未猝至先擊之

可挫其鋒乃挺身往戰各手刃數賊鏖之壯者亦荷戈逼為聲

援而老弱婦女得以渡淮避之賊大至遂皆遇害然賊亦阻懼

西歸雙溝以東不被兵者皆其力也先時立祠於東岡歲久頽

弊今移置於龍窩驛之東焉知泗州事汝陽桂祥曰四子者草

莽賤臣也為臣死忠為子死孝之道素無師友清明之功一旦

臨大難挺身赴戰死而不悔卒使東南免於劫奪之禍其功可

謂偉矣士大夫平居高談闊論以綱常自許一遇變故輒辜恩

負國忘恥事讐有市井人所不屑而為之甘心者自諸義勇視

之豈直狗彘而已哉夫義以率眾勇以定功可以風臣道矣乃

立義勇祠祀草莽之豪傑愧衣冠之賊也

鄭公祠在泗州釋迦寺西院同治元年建祀知州鄭沅并陣亡

紳民

義勇祠在泗州城隍廟內祀陣亡練勇

淮濱神廟在盱眙縣彭城鄉下龜山南有石刻淮濱二大字廟

前有井世傳禹鎖支祁處

義帝祠在盱眙縣東臺子山上

范文正公祠在盱眙舊縣鎮明洪武初詔撥蘇州富民墳實鳳陽等處公裔孫遂入盱眙家焉官爲捐金置祠

周濂溪先生祠在盱眙舊縣鎮濂溪七世孫體乾爲宋淮南制置李庭芝裨將守泗州城陷走至招信家焉後人因置祠奉祀呂東萊先生祠在盱眙舊縣鎮東萊六世孫伯宗招撫盱眙遂家於此

雙貞祠在盱眙縣東北陡山下明隆慶二年建祀何氏二烈女介之推廟在天長縣浮山

伍子胥廟在天長縣丁口鎮

包孝肅祠在天長縣東門

二賢祠在天長縣治東祀宋包孝肅拯朱孝子壽昌

朱孝子祠在天長縣東四十五里舊爲勝因寺嘉靖中寺圯改

祀朱壽昌

沃公祠在天長縣東門祀明死倭寇難沃田附明孫以仁記

沃公諱田家世山東登州衛指揮同知公自幼賦性英敏體貌魁梧夙諳船略登嘉靖乙丑武進士第以浙江署都指揮僉事守備倭微嘉靖丁丑夏五月十日倭寇犯廣陵焚劫甚慘乘勢欲寇天長公奉檄提青州兵爲是邦防禦計乃營兵於崇家岡上待之去縣治東六里許寇聞有公截西路疑遲不敢進十有五氣甚沮潛伏莽野日暮天齊氣爽分方戒嚴與各部將儒以生擒諸寇待旦黑霧障天咫尺人不相辨加以東風大作寇乃併力突入人馬潰亂首尾不應公獨躍馬前敵手刃十數人忽馬陷澤中遂遇害焉嗚呼寇非公之截殺必逕入天長天長素無城池民素無備不其岌岌哉翌日寇旋遁去而殘毒不敢肆諸士女命獲保全皆公之敢戰懼之也夫公不惜一身之身一邑之民命皆賴以生其功誠不細矣時總制梅林胡公以公狀上聞敕贈鎮遠將軍都督僉事世襲指揮使歲戊子知縣黃泰然奉侍御張公命爲公建祠於東門外龍行集中春秋祀之而民爲公痛心戴德者歲時復有私祀當時同死事者指揮岳君

寵百戶劉君葵例得同祀隆慶改元余按茲土過祠而惜其規制未備也爰命知縣楊子龍增樹門廉恢其卑隘新其貌像而氣象規模視昔為光且大矣夫先王之制祀禮法施於民則祀之以死勤事則祀之以勞定國則祀之能禦大災捍大患則祀之公之死豈惟禦災捍患而已哉耿耿忠義垂之千古而不磨廟貌而食當歷千古而弗譏也司風紀者不當掄揚以表忠魂以勸臣子之精誠報國者哉敬書此以紀其歲月云

雙忠祠在五河縣北二十里祀唐張巡許遠

大忠祠在五河縣北祀明耿再成

孫烈女祠在五河縣天保宮後祀明烈女孫老姐附明李穆記

孫烈女者五河邑安定里人名老如父繼母朱氏女生而聰穎苦家貧然寡嬉笑里中人咸異之自幼許聘張氏子舉後不幸母氏早亡孑然與父居父嘗欲歸諸張以圖繼室也而張卑視貧未能娶遂繼李氏與女共家焉先是有一鄰州兒者李前夫子也李寡無依攜州兒以適於孫州兒素恃母寵待女無狀女惟處之端嘉靖丙辰秋九月十有四日州兒見室傍無人即以淫心調女女震恐喊之越五日州兒從工所至值女俯几治麵州兒自後撲女以口吮其肩意其為犬彘心也遂以麵刀反所不幸早喪吾母父又常出鄭賊時欲汗我我決刃之以自刎不

然吾惟有死而已其嫗及姊曲爲解諭雖歸然其心忿忿常不忘也丁巳春三月念九日州兒以取薪給其母曰薪多吾力弗任半委中途盡取諸母信而往擔薪以歸視房戶內掩怪而強啟以進見州兒臥南壁下頸未斷者如線女倚北壁水缸氣息垂絕頸刃自左而右者痕僅三寸血流滿室未幾亦絕焉但其死所與奸賊去遠毫髮弗潤顏面色服履整整有生氣里人狀其事於邑令邑令高君異之拘隣戚而博訪焉其姊三姐嬉舒氏哭而訴曰此女此心自去秋僕已決矣今果然也因備述所云高君心未泯然及謀諸四隣四隣曰然鞠詁李母母亦曰有之採諸隣近學宮多士皆曰此眾所共聞也於是高君爲之備衾木崇殯斂一時士民往弔如市事聞當道巡按侍御堯山吳公穎谷馬公相繼表其閭而例奏請旌焉高君嘉其節欲識之不朽遇於孫氏家後治塋塋前樹石坊一座置田數十畝以贍時祀復於城內隙地築臺建堂扁曰烈女祠祠前仍立石碑蓋厚典也事竣備具實以求子言子亦嘉事之不偶而歎其有關風教也是爲記

重修安徽通志卷五十七

輿地志

壇廟

四附寺觀

安慶府

雙蓮寺在府城內阜民坊宋范文虎捨宅爲之內產雙青蓮因以名寺

國朝康熙五十八年按察使朱祚鼎重修今廢改建曾文正公祠萬壽寺在府城內元建里人以雙蓮天甯太平迎江及此爲五大寺

天甯寺有二一在府城內今縣學舊基宋建明正德間移建忠節坊一在潛山舒臺亦宋建

三祖寺在府城內朝天坊原名菩提菴隋開皇開璨祖卓錫於

此歷三祖遂改巷爲寺明嘉靖間重修

太平興國寺在府西正觀門外萬松山麓元建明洪武間修

國朝康熙年拓建

迎江寺在府東樅陽門外明隆慶間府志作興午建萬佛塔有光宗

御書護國永昌禪寺特建宸翰樓貯之

國朝咸豐中寺塔燬同治九年署巡撫吳坤修重修寺宇並振風

塔塔西建慈雲閣閣前建寅賓館附吳坤修重修寺塔並忠義

節烈祠碑記同治七年六月庚申署安徽巡撫布政使臣吳坤修奏安慶省城濱臨大江控引吳楚爲淮南第一

都會自咸豐三年粵賊據之因以延蔓大江南北蹂躪無復完

土天佑殘黎亂匪而治咸豐十一年八月我皇上當陽

御極官兵卽於是日攻克皖城維時中外歡呼以爲景運中興

政足可娛果不數年江浙羣盜以次削平論者謂安慶一城之

得失關繫東南全局良非偶然克復以來善後應辦事宜雖經

臣於藩臬兩司任內隨同督撫臣酌量緩急次第興舉獨有端

緒地方漸復舊觀惟彫敝日久籌款爲難未能遍及百城東門

外迎江寺向有振風塔凌江特起孤標插天創自前明詳載通

志為長江上下天然鎖鑰賊據城後寺基燬圯城頂被焚此則  
 全省人文地脈所關必須興工合尖用固根本又皖省淪陷幾  
 十年文武紳民男婦先後殉難無慮數十萬人其業經采訪入  
 告者雖已奉諭旨分別旌卹省城尚無專祠殊不足  
 以資觀感據紳士前歸安縣知縣馬伯樂等合詞請籌修建臣  
 愚以前二事均係善後至要之工亟應鳩工庀材重修振風墻  
 以慰通省之望即於迎江寺側起建忠義節烈各祠以歷年死  
 難奉准旌卹之官紳男婦分別入祀庶幾導淫宜鬱氣象一  
 新立櫺廉頑風型百世以仰副  
 貞之至意臣坤修謹會同兩江督臣曾國藩恭摺以  
 十九日七月戊子奉旨著照所請欽此其工材之數修  
 造起訖年月並司事人員具碑陰俾有考銘曰江匪鄧陽塘圯  
 波長流益湯湯厥皖公砥柱天崇障茲日東首楚尾吳盜陷  
 其邪南東榛蕪邦人扞藩碎肌喪元與皖亡存龍飛之期皖盜  
 誅夷叶瑞應時遂開中興落其恃焉所至沃冰吁嗟江關  
 消息危安勢羣形完浮圖雲限塗剝茸顏帝日俞哉迺  
 席前楹褒忠揚貞下逮婦嬰塋蓋江悠義聲長  
 留皖人榮休植石穹隆以臨大江諡後守邦

三城寺

祖龍寺

宣團寺俱劉宋時建

古塘寺元建明重修以上在淶水鄉

延壽寺

雙城寺

四武寺俱宋建

法雨寺梁建

原浦寺明建以上在大豐鄉

木榴寺唐建

文殊寺

普澤寺今名暖水寺

西畚寺以上在受泉鄉

平山寺

植福寺俱宋建

長樸寺 元建以上在堯年鄉

寶福寺

三聖寺

洪山寺

車軸寺

梅城寺

三鴉寺

白龍寺

靈泉寺

淨明寺 俱宋建

紹聖寺

乾元寺

顯能寺俱元建明洪武間重修以上在潛岳鄉

以上後  
潛縣

大帝寺在桐城縣治東宋建於縣西明洪武間徙此

國朝咸豐初兵燬同治八年重建後殿

法蘭寺在縣東三十里有昭明太子祠唐宣宗書額

桐溪寺在縣東三十里雙河阪明建

華嚴寺在縣東九十里卽浮山寺宋遺錄禪師道場與歐陽修  
因某說法處今毀

靈山寺在縣東百二十里宋建

柳子寺在縣東柳峯山明建

白雲寺宋白雲禪師道場有青鳥來聽說法在縣東九十里

禪智寺在縣東黃檗嶺明建

石屋寺在縣東百里晉建裴仙修煉於此有十景曰玉洞長春

石屋勝蹟白驢化米黑虎巡山金雞唳月獅子臥雲石鼓轟雷  
仙人碁局烏鵲候客石柱仙題

四望寺在縣東周家潭宋建

赤城寺在縣東南楊樹灣明建今毀

青山寺在小龍山兵燬今建

永利寺在樅陽鎮明初建

五印寺在縣南城外明萬厯中建

國朝咸豐初兵燬同治九年重建

資福寺在縣南三十里

梅溪寺在縣南九十里

茂林寺在縣南黃陂阪俱宋建此寺有飛來古鐘

勝因寺舊址在縣北二里投子山唐大同禪師宋義清禪師道

場明嘉靖年間廢

國朝雍正十二年奉

旨重建

谷林寺在縣北魯叡山舊名清泉寺明建

國朝康熙四十六年

敕賜今額咸豐初兵燬

龍門寺在縣麻山宋清遠禪師建有十二景曰駐馬坡白龍潭

雨珠巖日月巖天方池元武石羅漢峯獅子山古藤洞丹青峽

龍門瀑布今燬

按止十一景府縣志以上桐城縣

延壽寺在潛山縣東二十里宋建

時思寺在縣東四十里元建

大通寺在縣東八十里宋建

清涼寺在縣南五里

永明寺在縣南十五里俱宋建

興化寺在縣西同安橋宋建今廢

百丈寺在縣西三十里晉建

太平寺在縣北太平山爲五祖演禪師佛眼佛鑑佛果道場晉咸和中建元余闕有登太平寺詩

山谷寺在縣北十五里舊名乾元寺梁僧寶誌卓錫之地宋太宗時有舒民柯萼遇老僧住萬歲山指古松下掘得石篆乃誌公記聖祚絲遠之文進之朝名瑞石遣使致謝諡曰寶公賜號道林眞覺禪師東北隅有第三祖璨大師塔又有舍利塔唐太宗賜號覺寂至今萼萼不茁鳥雀不棲歲有龍來洗塔雷電晦冥則龍爪悉見黃魯直遊而愛之因以寺名自號

天柱寺在縣北清朝鄉唐開元閒崇慧禪師開山乾元閒敕賜  
天柱寺上有漢武帝迴龍橋昭明太子閣崇慧講經石入定石  
主鏡池又有瀑布聲如鐘功德水能療人疾明季兵燬今建  
佛光寺在縣北四十里明萬厯中敕建賜藏經左有鸚哥菴其  
石苔蘚皆綠色形肖鸚鵡俗呼爲鸚哥石右有相見菴相傳兩  
祖師相見處

古佛寺在縣北百二十里卽西峯寺宋建

彰法寺在縣北七里宋建

以上皆山縣

覺巖寺在太湖縣東唐牧菴祖師建今燬

四面寺在縣東四面皆山唐法智禪師建宣宗嘗遊此其下有  
洞通龍山岫今燬

海會寺在縣東北白雲山麓宋建題額曰淮西第三禪刹

國朝咸豐九年燬同治四年重修

石羊寺在縣南三十里宋建今燬

眞乘寺在縣城內唐栲栳禪師建古塔尙存

國朝咸豐初燬同治四年重修

南山寺在縣西南十五里

縣志作縣南二十里

宋伏虎禪師建今燬

彌陀寺在縣北九十里

縣志作西

唐貞觀間金張二祖師建

龍門寺在縣西龍門山宋佛眼禪師建

二祖寺在縣北百二十里縣志二祖慧可神光也有卓錫石傳

衣石遺蹟

佛圖寺在縣北四十里晉佛圖澄建有石塔

以上太湖縣

東禪寺在宿松縣城內唐天寶開建相傳神秀禪師出家雙峯

東山寺爲五祖所器重後至宿松曰吾紹東山之禪開法於此

故名

福昌寺在縣東孚玉山唐水光祖師建今燬

柘林寺在縣東八十里唐貞觀二年建

資福寺在縣東十五里卽北山精舍唐建今燬

寶相寺在縣東二十里臨白馬河亦曰白馬寺相傳三祖璨大師建今燬重修

月山寺在縣東三十里

縣志作四十里

宋建山形如月寺旁皆叢竹

報恩寺在縣南十五里宋建

忠節寺在縣東南五十里晉遠公祖師建今燬

南臺寺在縣南三里唐建今燬

祖堂寺在縣西十五里宋建

燃燈寺在縣西三十里唐金張祖師建有金像飛來佛

大梵寺在縣西四十里唐建今燬

龍山寺在縣西北十五里梁建今燬

龍王寺在縣北

一作西

三十里唐五祖大滿禪師建初五祖開法

東山有龍化爲童子侍聽法音因名龍王寺

東林寺在縣西北四十里西源山晉永和初建唐貞觀間護法  
祖師重建有古塔石船梅坪蓮池合掌石虎溪橋拄錫樹飛翠  
岫諸勝

西林寺在縣北三十五里晉永和九年祐祖禪師建

法華寺在縣北五十里全舉禪師道場有昭明太子分經臺法

華亭獅子石仙人蹟洗米池諸勝

妙勝寺

一名莊山寺

在縣北二十里宋嘉祐間建今燬重修

以上嶺外縣

青林寺在望江縣治北宋建

國朝康熙七年重修

土岡寺在縣北三十里

張山寺在縣北六十里

武洲寺在縣北三十五里俱宋建

龍山寺在縣北七十里唐建

妙光寺在縣北八十里梁建

十里寺在縣西北十里

永思寺在縣西北四十里

法華寺在縣西北七十里

南臺寺在縣西四十里俱宋建

褒隱寺在縣西七十里唐寶慶二年爲漢隱士梅福建一作唐隱士羅

菩提寺在縣東三十里宋建

大慈寺在縣東北十五里唐建

崇惠寺在縣翔鳳門外明初建

泉塘寺在縣西五十里宋建

以上望江縣

佑聖觀在府城便民倉西

眞源觀在懷甯縣景定坊明建

靈源觀在懷甯縣受泉鄉

元妙觀在太湖縣治北魏左慈建明末寇焚復修今燬

靈泉觀在宿松縣學西梁天監二年匡阜眞人建救民疫癘插

劍得泉飲之立愈遂以名觀今燬重葺

靈佑觀在宿松縣東三十里荆橋

元眞觀在宿松縣東八十里俱梁匡阜眞人建

紫雲觀在宿松縣北三十里明洪武初建

寶善菴在府城輯睦坊宋崇甯間建明海瓚禪師絨關習靜和  
立書經之處

清涼菴在府北門外野螺橋

水雲菴在府樅陽門外順治九年重建午日競渡遊者集此

迴翔菴在府集賢門外灰心禪師畱偈示寂葬此其冢不壘  
高

止水菴在府北大龍灣止水性源禪師住此

墨雨菴在府釋迦坡初名普濟元至正間有木逆流至瀼河土  
人刻作龍像奉之改名墨雨旱則禱焉

龍池菴在懷甯縣受泉鄉嶺頭銅像鐵瓦有吼雲峯薛羅階靈  
芝石一松亭躍龍池諸勝

太霞宮在桐城縣西城外晉裴阮郭三仙遊此邑人見彩霞燭天因祀之稱爲太霞福地元至正五年建

國朝順治七年重建

真源宮在潛山縣北山谷寺左唐天寶閒明皇夢九天司命真君見於天柱山乃置祠宇有二白鹿見號曰白鹿洞洞東有香土色如金號香泥洞金殿基在洞之上至宋爲靈仙觀徽宗御書萬壽宮後又名真源萬壽宮

天祚宮在真源宮右宋開寶閒建崇甯中賜名天祚觀宣和改作宮有九龍井飛龍泉瀑布噴雪二亭亭久圯

龍山宮在太湖縣北三里龍山祀老子咸豐四年燬

迴龍宮在望江縣東三里明建

徽州府

天甯萬壽寺在府城北舊名護國天王院一名報恩光孝院唐致和八年改今名

太平興國寺在府城練水西唐至德二年建名興唐寺宋太平興國中改額寺有戒壇宋制聖誕日開壇爲沙彌受三百六十戒部給戒帖別院二十有四今存其十中阜曰應夢羅漢院唐僧貫休爲寺僧清瀾畫十六梵像後取入禁中帝夢欽僧十五六輩求歸因復送入院西山之半曰五明院曰福聖院雪竇禪師出家處又有曰經藏院曰淨名曰妙法曰如意曰等覺左山曰長慶前曰古塔七級院

開化寺在府西唐天祐元年號十方院宋大中祥符元年奉敕改名

寶相寺在府東問政山鐘樓峯下唐光化間建宋大中祥符間

賜額昭應禪院後遷城內明正德閒重建今處

城陽寺舊在隔溪面城陽山唐景福末建宋宣和閒燬改建長壽鄉

楊千寺在府通德鄉豐樂里宋丞相程元鳳建

任公寺在府甯泰鄉有富資水梁太守任昉愛之因名

傍溪寺舊在府長樂鄉銅山里宋大中祥符元年建紹興中徙烏聊山

資福寺在府明德鄉五代吳奉唐天祐七年建

大中祥符寺在黃山唐開元閒志滿禪師建宋改今名

松谷寺在黃山張真人居此松谷其自號也今爲寺額

慈光寺在黃山朱砂峯下舊稱朱砂菴明萬厯閒賜今額

國朝康熙六年重修

翠微寺在黃山翠微峯麓唐中和二年建

南源古寺在府長咳唐太和三年建祀梁武帝暨寶誌禪師有古碑存寺後五峯插天前有山三瀑布匯爲澤名鉢孟津有燕石崖朱子讀書寺中手書新安大好山水六字鐫於石壁以上數普滿禪寺在休甯縣忠孝鄉唐咸通六年建名報國禪院宋大中祥符元年改名今燬

建初寺在忠孝鄉唐咸通九年建名崇法寺宋開寶七年賜名今燬

萬安寺在長汀里唐建

方興寺在方溪里唐貞觀閒建於孫祈咸通十四年徙此

嘉祥寺舊在忠孝鄉唐光化閒建宋徙雲峯山

月溪寺在二十七都唐建

普照寺在三十三都宋建

陽山寺在陽邨五代吳奉唐天祐七年賜額

千秋寺在隆阜唐建

以上休  
肅縣

萬壽寺在婺源縣西唐乾符閒建名智林禪院元延祐閒改今額

普濟寺在縣東唐建

高峯寺在二十一都

開化寺在五都俱宋建

黃連寺在五都唐建

香巖寺在閬山宋建

靈山寺在三十四都

山房寺在四十三都俱宋建

福山寺在三十六都宋熙甯間建明湛若水與門人方純仁等講學處

資福寺在五十都唐太和間建

以上婺源縣

十王寺在祁門縣城南宋大中祥符中賜額曰悟法寺有十二院此其一也今圯

靈泉寺在八都唐乾甯四年建寺前有水由石中出春夏不盈秋冬不涸味甘而色潔飲病者輒愈因以名寺

貴溪寺在十二都

西峯寺在上元山俱唐建

重興寺在西山阿五代吳奉唐天祐年間建今圯

青蘿寺在青蘿巖唐大厯間建

國朝咸豐初兵燬同治元年重修

以上祁門縣

廣安寺在黟縣北梁建名永樂寺宋大中祥符閒改今名

梓路寺在順仁鄉唐會昌三年建

以上黟縣

普照寺在績溪縣石鏡山宋治平元年建今燬

藥師寺在新安鄉唐天祐閒建

覺乘寺舊名釋迦寺明洪武初改今額

太平寺在縣南新合里宋太平興國中建舊名華嚴院明洪武初改名今燬

清隱寺在楊山鄉舊名高峯寺宋治平初改今名

盧山寺在楊山鄉宋爲廣福院明洪武初改今名

廣福寺在遵化鄉舊名石門院宋隆興中改今名

大佛寺在縣文峯右有藏經全部

靈鷲寺在新榮鄉舊名幽山院宋治平元年改名今燬

香蓋寺在縣西八十里

以上續  
漢縣

天慶觀在府西宋大中祥符元年以正月三日天書降辰爲天慶節詔東京建玉清昭應宮天下置天慶觀

乾明觀在府城唐建名樞星觀宋太平興國六年以誕聖日爲乾明節敕改今名理宗書玉樞之府四字於觀

紫陽觀在紫陽山本許真君祠宋天聖二年敕賜觀額

興道觀在問政山唐建號問政山房宋天禧四年敕改今名紹興中詔以御書黃庭經內景經及臨魏晉六朝唐人書凡十卷藏於山

萬山觀在府城東門壁有呂洞賓遺像

浮邱觀在黃山浮邱峯下唐燬故址猶存祈水旱多應

仙都觀在黃山仙都峯下

崇壽觀在休甯縣西

紫虛觀在婺源縣北南唐保大間建名棲真觀宋政和四年改今名明嘉靖間改建西門灣

國朝順治間重建

天仙觀在婺源縣西宋建

朝宗觀在婺源縣天井山元建

洞元觀在祁門縣祁山麓相傳漢梅銷故宅唐大厯間建初名龍潭宋乾德間改今名

龍興觀在祁門縣不老山宋乾道間賜額

迎恩觀在黟縣西舊名真因道院明成化間移建縣南橫岡改今名

靈虛觀在黟縣西南舊名洞靈宋崇甯四年敕改今名元豐中

常有雲氣覆其上得天尊像於石巖之側

白鶴觀在績溪縣北門宋建

國朝同治八年重修

紫極宮舊在府城宋紹興元年移巖鎮南山真人章夢符居此  
凡禱輒應

許仙宮在府南陽山許宣平修真處卽南山道院宋建炎中改  
今名

太素宮在休甯縣齊雲巖明嘉靖中賜額

常清宮在休甯縣江潭宋淳祐間賜額

擲鉢禪院在府黃山鉢孟峯下明萬厯間建

新安道院在休甯縣東宋祝禹珪建朱子有記

壽聖院在祁門縣五都舊名珠溪資福院宋大中祥符間敕改

今名

靄山院在黟縣新政鄉明德里唐大中三年建宋宣和間方寇至寺策馬不前遂引退

延慶院在黟縣新政鄉漁亭里唐大中三年建名阜口院宋大中祥符間改今名

甯國府

景德寺在府北陵陽峯上晉時名永安唐初名大雲開元中改額開元宋景德中更今名殿後有鐵佛一座北面有多寶塢法雲寺在府西行廊山梁杯渡禪師建舊名興雲宋治平中改今額山有杯渡巖有梁武帝及師像

三天寺在府東南稽亭山舊名妙顯隋扶風禪師智拔棲息處開皇間詔刺史楊榮建敕近寺居民五十戶充灑掃鄭辨志爲

碑銘宋泊平中賜額壽昌紹興末改今額寺左有三洞天

寶覺寺有二俱在府城北東寶覺隋仁壽中建宋大中祥符間賜額西寶覺宋時建

羅漢寺有二俱在府城東一三十里曰上羅漢寺唐貞觀間建一三十五里曰下羅漢寺宋乾道中建

乾明寺在府東北舊名福田唐咸通中刺史杜宣猷請額崔龜從撰碑

空相寺在府北水陽鎮舊名白龍院相傳白龍見於幡竿故名廣教寺在府北敬亭山之南唐刺史裴休建殿前有千佛閣慈氏寶閣相傳其材皆蘿松黃蘗禪師募之安南寺後有金雞井材從井出宋太祖賜御書百二十卷山門有浮屠雙峙一名雙塏寺

石盦寺在府北敬亭山旁

興國寺在府北門外舊名延慶唐咸通中建有木浮屠因號木  
塢寺

雲山寺在府東湖北山唐建

勝果寺在府北黃池鎮唐咸通中建

能仁寺在府西四十里唐建

永慶寺在府東北舊名保壽唐刺史臺濠捨宅建宋太平興國  
中賜額郡邑迎春於此

廣法寺在府城南晉天福元年建

大覺寺有二一在府北九十里南唐保大中建舊名崇善宋紹  
興中改今額一在府北八十里宋紹興中建

城山寺在府南七十里舊名嘉福院宋開寶中僧可勛作菴曰

臥雲崇甯中改今額

惠照寺在府東隋膠禪師道場

治平寺在府東

高山寺在府南俱宋治平中建

延壽寺在黃池鎮

法華寺在府北俱宋建

柏山寺在府南宋建

國朝康熙二年修

柏枧寺在府南柏枧山宋嘉熙中建

天甯寺在府西明天啟元年建掘得石小獅子二小石碑一上

書古天甯寺四字因仍其名

峽石寺在府北順治三年重建又古峽石寺久廢宋林逋有游

峽石寺詩燈驚獨鳥迴晴隴鐘送遙帆落晚江邑人梅超中等

尋求古蹟因復其額

以上宣城縣

大安寺在涇縣治北晉建明修今燬

報恩寺在縣東六十里城山嶺

縣志作在縣東八里乘山

有十八景唐至德

間建宋政和中造浮屠七層今燬

妙相寺在縣東六十里舊爲軒干寺宋崇甯閒更今名

定業寺在縣東南石鼓山舊爲僧伽菴宋靖康閒改今名

萬壽寺在縣南五里宋太平興國中建今燬

龍雲寺在縣南七十里舊名寶光菴宋崇甯閒改今名

藍山寺在縣西六十里舊名永安寺今燬

大甯寺在縣西南四十里古猷州廢阯舊爲伏虎禪師道場宋

改今名今圯

妙明寺在縣西南烏龍山宋紹聖間建

水西首寺卽西方院與寶勝崇慶並在水西唐上元中建寺後白雲泉在半山閒有澗水出焉又有東峯亭亭前瞰濱溪登覽最勝唐乾甯二年爲白雲院

寶勝寺在縣西舊名水西寺唐李白杜牧俱有詩紀游宋太平興國中重建名五松院賜御篆元豐五年改名寶勝

崇慶寺在縣西南齊永明元年建名凌巖唐上元初改今名寺後有秋霜閣擅水西之勝

天宮水西寺唐大中時相國裴休重建黃檗禪師住持宋太平興國中賜今名凡十四院其最勝者曰華嚴院橫跨兩山廊廡皆閣道泉流其下

陵巖寺在縣西七十五里隋建

嚴礪寺在縣北二十五里宋開寶中建今圯

顯明寺在縣東北三十里舊名永安寺宋大中祥符間改今額

以上  
涇縣

崇教寺在南陵縣東唐正源禪師建今爲習儀所

柏林寺在縣東十五里梁大通間建今廢

靈巖寺在縣東五十里唐貞觀二年金地藏建今廢

靈山寺在縣西朗陵峯下諸峯攢簇泉溪縈繞梁天監元年杯渡禪師建

隱靜寺在縣西三十里唐建今廢

靜林寺在縣西牧冲清規山元時名清居院今廢

資福寺在縣西六十里舊名吉祥明洪武年建今廢

郭城寺在縣北五十里舊名普化唐乾符間建今廢

開化寺在縣北唐爲安賢寺今廢以上南陵縣

興教寺在甯國縣東七十里舊名甯化院宋治平中賜額

行香寺在縣東八十里宋端平間賜額

廣濟寺在縣南四十里唐天祐中爲平山院南唐昇元中徙建聖龍山下

崇因寺在縣南四十里梁開平初建宋治平中賜額

崇福寺在縣南六十里唐天祐中建一名沿山寺

信相寺在縣南八十里南唐保大中建宋大中祥符間賜額

宣梵寺在縣南九十里舊名谷林宋元祐中賜額

靈巖寺在縣西三十里唐貞元中建

寶雲寺在縣西四十里唐會昌中建宋治平中賜額

彌勒寺在縣西四十里宋治平中賜額山頂有井號天井

香蓋寺在縣西八十里唐建韓翃有題香蓋寺壁詩

寶勝寺在縣西八十里宋開寶間賜額

吉祥寺在縣西九十里宋治平中建山前有羅漢潭後有臥佛石像

崇果寺在縣西一百十里唐貞觀中建寺前有石鏡羅漢竹一十八竿每一筍生則一竿竹枯下有龍潭

教忠寺在縣西北宋寶祐間敕賜參知政事饒虎臣爲功德寺延慶寺在縣北三十里宋治平初賜額今俱兵燬以上甯國縣

護國寺在旌德縣東門外陳貞明元年建

靈台瑜珈寺在縣東三十里宋紹興中建今燬

資福寺在縣東南梓山下宋開寶中建又名梓山瑜珈寺

會勝寺在縣北柳山鄉梁滕公慶和故居捨宅爲寺唐會昌中

廢宋太平興國中重建

多寶寺在縣西六十里唐光化初建宋治平中賜額

延壽寺

深陽寺俱在縣北四十里唐咸通中建

瑞蓮寺在縣北二十五里唐乾符中建時產蓮花碧色故名

法華寺在縣北太平鄉

福田寺在縣北十八里俱宋紹興中建

以上旌德縣

松山寺在太平縣南二十里宋紹興中賜額

廣福寺在縣西南四十五里西鄉舊名羅漢寺宋太平興國時

額曰聖壽乾道中改今名

翠微寺在縣西南六十里唐中和二年建爲麻衣禪師道場元

汪澤民有記

蘭若寺在縣西二十五里東鄉

眞如寺在縣西六十里長壽鄉舊名陵陽院宋太平興國五年敕改今額

重興寺在縣北舊名碧雲菴宋紹興中賜額

興國寺在縣北初爲泗洲堂又名圓覺菴宋紹興中賜額

廣仁寺在縣北龍門鄉舊名安仁院唐天祐中李鐸所施宅也

以上太平縣

元妙觀唐爲紫極宮宋大中祥符中改名天慶舊在府城南紹興中徙建西南鼇峯上元大德中更今名

沖妙觀在府東麻姑山之西相傳麻姑修煉處初爲洞仙觀宋中和元年改今額

眞符觀在府北符裏鎮

靈應觀在府北敬亭山敏應廟西宋重和元年賜額清華觀

宣陽觀在涇縣城東宋隆興中建久廢

承天觀在南陵縣東南宋淳熙四年建

國朝順治八年修今廢

天齊觀在南陵縣東南明正統間建今廢

顯真觀在甯國縣宋紹興中建

崇真觀在旌德縣西門

青華觀在旌德縣棲真山宋乾道中建

九龍觀在太平縣西涇陽鄉舊傳漢永平九年地湧九泉因穿

九井梁開平中嘗爲僧舍宋政和中敕改今名

翠雲菴在府北敬亭山唐大中二年裴休建廣教寺因卜靜室  
於此

松隱菴

萬松菴俱在府東宋咸淳中建

清隱菴在府東六十里元至正中建

蓮池菴在府東雞足山明萬厯中建

清溪菴在府響山潭康熙五年知府龔鯤同紳士及僧元隱捐

資買河禁絕漁釣永爲放生池菴僧歲輸河稅

覺慈禪院在涇縣西崑山宋治平中賜額院前有龍潭飛泉遊  
溫每歲旱祈禱於此

池州府

景德寺舊在府治北唐貞觀中建名祝聖寺宋景德中改今名  
明隆慶間移置毓秀門內以寺基立府學

太平寺舊在府治西街卽唐林泉寺地杜牧有池州廢林泉寺

詩宋太平興國中改建明嘉靖閒徙建於景德寺右湛若水有記

乾明寺在府西笠山唐建一曰西禪院宋改光孝寺有鐵佛高二丈餘紹興二十一年鑄又稱鐵佛禪院

湖心寺在府東相公墩明萬厯中移乾明寺佛堂材建

國朝順治初重修

齊山寺在府南齊山之陽蕉筆巖前本宋延慶寺紹興閒移建山麓名觀音寺明天順中重修易今名

永光寺在府南新城山宋淳熙閒建

雲光寺

悟真寺俱在府南宋嘉祐閒建

棲真寺在府西南檀村唐建

上雲寺在府南九十里宋理宗時之西峯殿院也相傳西峯聖者挂錫於此

興福寺在府南八十里宋乾道間建

白雲寺在府南百里唐建宋大觀間修

植福寺在府西南五十里宋景定中建

感鐘寺在府西南大雄山相傳宋雍熙中有鐘飛至山巔遂建此寺

### 國朝順治初重建

嘉祐寺在府西和龍山唐爲妙定守訥禪師道場名靈慶院宋改爲嘉祐寺有碑

南泉寺在府西南泉山唐貞元十一年普願禪師創寺於山太和中賜額南泉承恩寺普願塔尙存

萬壽寺在府西南魯祖山爲魯祖禪師道場宋乾道三年建

寶勝寺在府柏巖山唐建

清泉寺唐建

常安寺在府東二十里宋淳熙間建

布金寺

慈蔭寺俱在府楓林山唐永泰間建

以上貴池縣

化城寺在青陽縣九華山晉隆安五年杯渡禪師創寺於此名九華唐至德中金地藏自暹羅至此閔讓和捨地築寺居之建中時刺史張巖奏定寺名曰化城

國朝康熙四十四年重修

御書九華聖境扁額

無相寺在九華山頭陀嶺下唐開元初建王季友故宅也宋治

平中賜今額今廢

廣勝寺在九華山觀音巖卽廣修院宋移雪潭之側寺前有壽字石今廢

崇聖寺在縣靈鶴山前南唐保大閒建後改名圓照舊志作光啟爲唐僖宗年號在南唐前舊志誤宋大中祥符中改今名今廢

九子寺在九華山蓮花峯下卽廣化院其麓有翠羽池唐李昭象書堂在焉今廢

福海寺在碧雲峯側舊名景福唐建宋治平初改賜今額寺內有壽松寺前有臥牛石寺西有七布泉瀑分七道注下

廣福寺在覆甌峯下南唐名應天院又改名爲徵賢寺宋改今名移山上今廢

淨信寺在縣黃苑城下卽古碧雲菴爲九華山東第一名勝

淨名寺在獅子峯下舊在雙石巖宋大中祥符元年僧雲林多建治平中賜額曰清流峭壁層巒幽竅

翠峯寺在九華山滴翠峯下卽天柱菴唐末從天柱峯徙此宋乾道中余志源居此自稱翠峯因以名寺今廢

天臺寺在天臺峯下九十九峯最高處頂刻雲峽二字今燬僅存三常住處及眞如菴

延壽寺在縣西四十里唐貞觀間建宋改今名今燬

崇壽寺在龜山南唐昇元間建西有泉曰靈源蔣之奇題

聖泉寺在縣魁山下宋治平元年建寶慶中賜額泉在寺後石崖下號無底泉試之僅二丈水極清駛中產五色石今燬

圓寂寺在縣拾寶巖本甘贄故宅梁天監二年建爲伏虎禪師道場宋太平興國五年賜額

妙峯寺在縣東靈巖山唐乾符三年建宋治平初賜額今燬

永留寺在縣東聖子山宋淳熙中建今廢

壽安寺在縣東北石壁山唐咸通五年建宋治平中賜額

妙因寺在縣東北宋太平興國中賜額今廢

戒香寺在縣十八都唐元和間建宋大中祥符中賜額今燬

曾光寺在縣三都南唐保大中建賜額今燬

明因寺在縣二十三都唐開元中建宋大中祥符中賜額

興教寺在縣龍池山宋大中祥符間建今廢

以上青陽縣

崇福寺在銅陵縣西卽祝聖寺宋杯渡禪師建今廢

梵天寺在縣石洞者晉天福二年建宋嘉祐中賜額今燬

寶雲寺在縣南五里宋淳熙間建今燬

興化寺在縣南龍泉山宋建

東寧寺在縣朱村舊晉天福間建宋嘉祐中賜額古塔遺址尚存

常樂寺在縣朱村舊唐建宋賜額

禪定寺在縣順安鎮唐寶曆元年建宋嘉祐中賜額

勝因寺在縣鐘鳴齋宋咸平三年建賜額

眞如寺在縣般若山宋開寶間建嘉祐中賜額

清涼寺在縣獅子山宋嘉定三年建

護國寺在縣陶邨舊宋建賜額今闢新址於寺右

瑞相寺在縣西南大通鎮唐寶曆三年建以上縣志

崇壽寺舊在石埭縣萬春山宋太平興國五年建皇祐中賜額

明嘉靖十四年遷儒學於此移寺於學基

崇明寺在縣南南安山梁大同二年建宋太平興國中賜額明

初以慧照寺并入寺後有龍頭泉

鎮國寺在縣杉山頂唐開元初建卽國清禪師義安道場

開福寺在縣西金城山唐光化二年建宋太平興國中賜額

兜率寺在縣西南上五都唐光化初建

明覺寺在縣西一百二十里宋治平中賜額

饒益寺在縣西一百五十里舊名靈泉宋治平中賜今額

福慶寺在縣西一百二十里宋治平中賜額

龍泉寺舊在縣六都金竹山以龍泉得名爲慧常禪師道場今

移建七都

萬松寺在縣北三里畢恭介鏘末第時讀書之地後捨爲菴栽

松萬餘株

以上石埭縣

覽臺寺在建德縣西明洪武三年建

國朝康熙九年重修

雲峯寺在縣西五里宋紹興初建高宗御書雲峯古剎額

梅山寺在縣西南十里梅山爲宋智南禪師柱錫處朱文公過訪作普門嶺三大字刻之石

石佛禪寺在縣北二十五里宋紹興二年建

留山寺在縣東三十里宋建

國朝順治八年寺僧添建地藏閣

橫山寺在縣東三十里宋建

醍醐寺在縣東北列壘山

隱山寺在縣南七十里梁建

附

元吳師道扁誌

建德縣隱山寺有昭明太子書

榜隱山之寺四大字昭明注愛山水嘗至池往往有遺蹟此書相傳是其親作餘八百餘年而宛然獨存亦異矣宋崇寧間封有碑墨渾有之語宣和二年張昇摹本以刻於郡城西甯中清熙守袁說友又取真蹟置神殿側其崇敬如此其所傳信不

誣矣。師道至元丙子秋以視旱抵寺訪尋在東廡室隅塵土翳  
出而拂拭諦觀歎其筆勢雄雅莊重因語僧義煥曰此何惜  
一石而不為永久計耶。聞稍剝落俾模池廟石本參訂刻之庶  
幾完善。明年六月僧來告曰前之日寺旁溪水暴溢崩岸出巨  
石高七尺許闊幾半碑製具而無又客字位置且有餘殆神明  
之靈有以相之發端實始於公。願紀其概因欣然為書使并刻  
於下  
方云

永樂寺在縣南唐太和中建以上建德縣

寶林寺

安仁寺俱在東流縣南宋高熙開建

香山寺在縣南香山

東溪寺在縣北徐濠唐大厯中建

梵安寺在縣東宋高熙中建

民化寺在縣西宋景定初建明洪武間重建今燬

興安寺在縣五都宋治平初建以上東流縣

天慶觀在府城南唐建卽紫極觀有徐鉉碑

元妙觀在府治北南唐紫極觀地宋大中祥符元年建

延華觀在青陽縣鳳皇嶺唐乾甯中建

寶甯觀在青陽縣白鶴臺唐天成間建白鶴真人煉丹處今廢

崇真觀在青陽縣招隱山後唐天成三年建

按後唐天成間池州屬楊吳此誤

集真觀在銅陵縣東街元季燬於兵明洪武初重建

元真觀在銅陵縣天王山元帝廟前

延祚觀在建德縣北

尋真觀在建德縣歷山上

福緣菴在府元妙觀之東卽青蓮館故地宋建

國朝順治八年重修

仙寓菴在府孝一保仙女山相傳建德檀氏女學道於此成仙

海獅菴在石埭縣蓮花峯頂五代時西峯祖師卓錫於此有涌泉之異宋元祐九年始開山建菴

仙壇宮在石埭縣陵陽山爲寶子明煉丹之所有丹竈丹井山麓有黃鶴池白鶴墩黃鶴林皆其遺蹟唐天寶中建

保真院在青陽縣九華山野螺峯唐費冠卿舊隱處卽臥雲菴故址南唐保大中高僧圓證居此宋泊平中賜額

福安院在九華山蓮花峯卽蓮花菴道濟禪師所居

龍安院在青陽縣西洪嶺北南唐末閩僧立院前有派派泉橫側有塔名曰永安

法樂院在青陽縣雙石巖東漱玉灘唐開元中建

五臺明智院在青陽縣曹山之西今爲白雲菴

開元院在青陽縣雲門峯下三汲泉西唐開元中建